

MAURICE GUÉRIN
de CHALLET

P. o. lat. 728 m

+

PETRI DANIELIS
H U E T I I
EPISCOPI ABRINCENSIS
C A R M I N A.
Q U I N T A E D I T I O.



PARISIIS,
Apud JACOBUM ESTIENNE, viâ
Jacobæâ, sub signo Virtutis.

M D C C I X.
Cum Approbatione & Privilegio Regis.

Wet 167/22



ILLUSTRISSIMO
ECCLESIAE PRINCIPI
PETRO DANIELI
HUETIO

Abrincensium Episcopo.



*N carminum tuorum li-
brum, ERUDITE PRÆSUL.
Is se tuis oculis sistit,
inexpectatus quidem, sed tibi
non inficiandus. Gestiebat jam-
diù ex peregrinis regionibus, ubi
magno studio exceptus olim fue-
rat, quasi in paternum sinum
reverti, & secum ad te mirifi-
cos plausus, qui ab omni Europa*

ā ij

EPISTOLA.

dati sunt , reportare. Quòd autem ex officina mea , te inconsulto , & præter opinionem tuam prodeat , ne tu , si fortè id mihi succenseas , tibi iniquior esse videaris.

*Nam cùm Theophilus Hoger-
sius , Daventriensis , poëta non
inelegans , ante quadraginta
annos Poëmata tua in lucem de-
disset , eadèmq; deinde Ultra-
jecti typis mandari iterùm ac
sepiùs curavisset vir magni no-
minis Johannes Georgius Gra-
vius ; non potuerunt Gallorum
plurimi , tùm literarum , tùm
patriæ amatores , quin graviter
ferrent te alienigenis debere gra-
tiam , quæ tibi à popularibus
debetur ; suisque laudibus Gal-*

EPISTOLA.

liam malè consulere intellexerunt, nisi aliquando extorres divini Poëtae lusus exterorum librariorum jugo solveret, atque in libertatem pro jure suo vindicaret.

Quas nostrorum hominum querelas ne contemnerem, addebant gloriam vix majorem ex amplissimis tuæ doctrinae monumentis, quàm ex istis levioribus, derivari. Extant scilicet complures tuæ scriptiones, quæ in argumentis severioribus vim eruditionis inexhaustam demonstrant. Verùm poëticos flores horridulis abstrusorum disciplinarum vepribus adjungere, neque in aliquo tantùm genere versari, sed prorsus diversa sic tra-

EPISTOLA.

*Etare, ut Ovidij ingenio, Horatij
acumine, & Virgilij judicio scri-
psisse videaris; hæc qui fecerit,
non videtur unius hominis, sed
omnium qui extiterint doctorum
laudem assecutus.*

*Nec magnificentius quàm ve-
rius referam, ILLUSTRISSE
PRÆSUL, id quod publica vox
prædicat, hunc illum esse HUE-
TIUM, quem & nostra mira-
tur ætas, & futura nostra in-
videbit; cui se antiquitas totam
exploranti credidit, & se poste-
ritas totam explorando impen-
det; qui cum innumerabiles om-
nium linguarum, omnium æta-
tum scriptores evolverit, ipse à
nemine uno, dum bonæ vigeant
artes, omitteatur.*

EPISTOLA.

*Atque hac ego cùm audirem
quotidianis sermonibus usurpa-
ri, tanquam sanctissimis Patriæ
vocibus excitatus sum, & ultrò
hanc suscepi provinciam, ut au-
reos versus ex Hollandia reduces
eidem, quam nascentes primùm
aspexerant, luci restituerem. Id
porrò palam profiteri, atque hoc
munere, te annuente & faven-
te, defungi oportuit. Verùm
cùm amicos, quibus obtemperare
maximè soles, repulsam passos
esse scirem, quoties te ad hac ju-
venilia, ut appellas, revoca-
runt; annon satius fuit clàm ea
& furtim extudi, quàm frustra
à nobis diutiùs desiderari?*

*Feci igitur, quæ meæ partes
erant, ne operarum vel typorum*

EPISTOLA.

*culpâ deteratur opus , quod ip-
so Musarum celo illustrari de-
cuit. Nihil quidem superest , nisi
ut editionem ipse approbes libelli
semper legendi , nunquam im-
probandi. Si tamen videbor pec-
casse , reum adeò non diffiten-
tem habebis , ut suum hoc deli-
ctum omnibus gentibus testa-
tum velit , & primùm à te ve-
niam , deindè à cæteris gratiam
quarat.*

AMPLITUDINI TUÆ

Devotissimus
JACOBUS STEPHANUS ,
Librarius Parisiensis.



LIBRARIUS
PARISIENSIS
LECTORI.

I. **G**Rævianam editionem ,
rudem illam & indige-
stam , non repræsentamus ; sed
proprio singulorum carminum
ordine illustriorem ; & quoniam
αὐτόγραφον nobis obtulit amica
literarum fortuna , haud paulò
emendatiorem.

II. Accedunt Latina aliquot
carmina , quæ nusquàm aliàs
prodierant in lucem ; & acces-
sissent Gallica , si Autor è scri-

LIBRARI

nīs erumpere fineret : nam & Gallicè non pauca scripsisse illum testantur , qui recitantem audierunt , recitantisque ab ore pependerunt.

III. Ad calcem Poëmatum HUETII , Notas ejusdem in Anthologiam adjecerat Grævius ; sed nunc non erat his locus ; eæque aliàs fortasse commo ius legentur cum aliis id genus quamplurimis , siquando musei repagula perfregerint , quo scimus ea iniquis vinculis constricta detineri.

IV. Cæterum , cum multa hîc præfanda essent ad hanc collectionem ejusque partes aliquot pertinentia , satius esse duximus subjicere Præfationes , &

PRÆFATIO.

Hogersii , & Grævii , qui hæc ipsa carmina olim vulgârunt. Prima legitur in volumine , cui titulus est : *Theophili Hogersii Poëmata juvenilia. Accedunt Johannis Hogersii Posthuma , & P. D. Huetii V. Cl. Poëmata aliqua. Amstelodami, apud Daniellem Elsevirium 1672. Altera in eo , quod inscribitur : Petri Danielis Huetii Poëmata , Latina & Græca , quotquot colligi potuerunt. Quarta Editio. Ultrajeçti , apud Guilielmum Broedelet. 1700.*





THEOPHILUS HOGERSIUS

Lectori benevolo S.

QUum abhinc decennium discederem Cadomo
(ubi aliquot menses in Bocharti, Grentementi-
lii, Huetii, aliorumque maximorum, quibus hac
urbs pra reliquis Gallia civitatibus abundat, inge-
niorum contubernio jucundissime traduxeram) Hue-
tius mecum communicavit sua aliquot Poematia.
Sed longinquo deinde in diversas regiones itinere in-
stituto, diu hac inter alias schedas abscondita jacue-
runt. Nunc autem scrinia mea perscrutanti cum sese
iterum obtulissent, occasionem idoneam me nactum
esse existimans illo veluti fastigio hoc nostrum opus-
culum, seu potius hos disturbatos parietes exornan-
di, simul publicare constitui. Quod consilium ubi Gro-
novio nostro aperuissem, ille, pro suo rem literariam
juvandi incomparabili studio, elegans ejusdem de
itinere suo Suecico ineditum carmen mecum commu-
nicavit. Quod pariter vulgasse cum bona Clarissimi
Huetii venia me spero. Te autem doctissimi viri, tum-
que aliis politissimis libris, tum Origenis operibus nu-
per in lucem emissis per universum orbem literatum
celeberrimi, has etiam poeticas curas inspexisse, non
puto, paenitebit. Vale, & studiis nostris fave.



JOANNES GEORGIUS

GRÆVIUS

S. D.

LECTORI.

C Armina Viri summi , Petri
Danielis Huetii , Antistitis
Abrincensis , cum bona quadam
fortuna invenissem apud extorrem
Galliæ , non potui non , Lector
φιλόμυσε, tecum communicare: quod
haut invitis Musis , & secunda tua,
si Musarum deliciis caperis , vo-
luntate me fecisse puto. Viri ex-
cellentis exquisita diffusaque per
omnes divinas humanasque disci-
plinas doctrina , tot æternis inge-
nii monumentis orbi terrarum te-
stata , nemini , nisi omnis humani-
tatis ignaro , potest esse obscura.

J. G. GRÆVII

His dotibus sciebam non deesse
versuum Græcorum Latinorumque
scite pangendorum facultatem.
Nam non pauca Viri illustris car-
mina videram dudum, quæ pro
veteri triginta fere annorum amici-
tia mihi miserat subinde, valde
cum mihi, tum aliis, qui de his
recte poterant existimare, probata.
Inde illam de herba serica, quam
Thee appellant, elegiam ante an-
nos aliquot in Galliis editam, hic
jusseram denuo typis mandari, cum
omnes, qui legerant apud me,
illius describendæ cupiditate tene-
rentur, singulari ejus suavitate &
elegantia commoti. Cum autem in
plura nuperius, quæ antea non vi-
deram, eaque cultissima Huetii
poëmatia incidissem, valde lata-
bar. In primis afficiebat me mirifi-
ce lectio illius idyllii, quod de
morbo, quem in ætatis flore con-
traxerat gravissimum, deque illius
remediis scripserat. Memoriam e-

PRÆFATIO.

nim mihi refricabat jucundissimam
illius temporis , quo id mihi ado-
lescenti V. CL. Alexander Morus ,
quem tum Amsterodami humanio-
res litteras docentem officii causa
sæpe salutabam , in Museo suo re-
citabat , cum magna ingenii auto-
ris admiratione , quo neminem
felicius genium Lucretiani styli ,
ad cuius imitationem erat confor-
matum hoc idyllium , effinxisse
prædicabat , cum nonnulli docti
homines nullo successu ad tentan-
dum talis poëmatis genus vires in-
genii fuissent periclitati. Itaque ,
viso hoc tot invisorum mihi ante-
hac carminum thesauro , tempera-
re mihi non potui , quin exclama-
rem , Eia commune sit , quodcun-
que est lucri ! Nec in ejus consor-
tium me sunt dedignati admittere ,
qua sunt humanitate , in quorum
erat custodia. Votorum compos
petii quoque potestatem poëmata
hæc publicandi , ne videremur

J. G. GRÆVII

aliis invidere, quam nos ex iis capiebamus, voluptatem. Cum & hæc mihi venia data esset, nolui has eruditionis poëticæ lautitias, multo venustatis sale perspersas, tibi, Lector, diu debere: ne cum ipse parens horum pulcherrimorum fœtuum, qui nunc totus est in graviorum studiorum tractatione, videretur illos negligere, ac nolle tollere, perirent. Vale: his frue: & mecum opta, ut ceterorum quoque carminum ineditorum potiaris, quæ pangere solitus olim est Huetius, quæque latitare apud ejus amicos testes habeo locupletissimos, qui ajunt plura se aliquando vidisse, quam hic collecta habentur, apud Virum celeberrimum, & mihi, cum in vivis esset, amicissimum Stephanum le Moyne, nec non apud Virum amplissimum Du Tot, Ferrare, Senatorem Rhodomagensem. Iterum vale.

Hæc præfixeram editioni horum
poëma-

PRÆFATIO.

poëmatum, cum primum ante sex annos lucem viderent. Quo applausu excepta fuerint, inde licet intelligas, quod nulla in tabernis inveniuntur exempla, quamvis à non paucis desiderarentur. Novam itaque cum adornaret Typographus editionem, petiit ut, si quid illi augendæ & ornandæ in mundo esset, secum communicarem. Miserat ad me anno superiore vir & amicus ille magnus, Illustrissimus Huetius, duas eclogas nuperius à se conditas, quarum altera *Iris* inscribitur, altera *Magnes*. Nihil iis ingeniosius, cultius, & ornatius fingi potest, ut nec elegantia, nec venustate ulli carminum cedant, quæ in ætate florida pangere solitus est, sintque documento inexhaustum esse illum amœnitatum, leporum, politiorisque doctrinæ fontem, qui inundavit ejus ingenium, ut nec in hac ætate gravi exaruerit. Has eclogas non sine magna delecta-

ē

J. G. GRÆVII.

tione legent in hoc volumine, qui intelligentes sunt harum cupedia-
rum Musicarum existimatores.
Quicquid autem hic emendatum,
& in meliorem ordinem digestum
vides, id debes curæ & operæ
V. CL. & amicissimi Paulli Baul-
drii. Adjeci calci poematum notas
Huetii in Anthologiam, quas ante
duodecim admodum annos mea
fidei commiserat, ut subnecteren-
tur Anthologiæ Græcorum epi-
grammatum, cum versione Hugonis
Grotii, quam tum publicare con-
stituerant Amsterodamenses cum
ceteris magni Viri ingenii monu-
mentis. Sed & propter bellum, quo
mox infestabamur, diuturnum, &
nescio quæ alia, quæ intervenerunt,
spes illius tam desiderati operis e-
vanuit. Ne autem tam eruditæ &
lectu dignissimæ Antistitis Abrin-
censis observationes intercidant,
statui rectius, eas hic, quamvis alic-
no loco, legi, quam nusquam.



INDEX CARMINUM.

ECLOGÆ.

I.	<i>Vitis.</i>	I.
II.	<i>Iris.</i>	8.
III.	<i>Magnes.</i>	14.
IV.	<i>Aparine.</i>	21.
V.	<i>Picus.</i>	27.

IDYLLIA.

I.	<i>Epiphora.</i>	33.
II.	<i>Sal.</i>	41.
III.	<i>Iter Suecicum.</i>	47.

EPISTOLÆ.

I.	<i>Ad Ægidium Menagium.</i>	60.
II.	<i>Ad Antonium Hallæum.</i>	68.
III.	<i>Ad Alexandrum Morum.</i>	69.

INDEX CARMINUM.

ELEGIÆ.

- | | |
|---|-----|
| I. <i>De Poëtis Cadomensibus.</i> | 71. |
| II. <i>Ad Lycoridem.</i> | 74. |
| III. <i>Thea.</i> | 79. |
| IV. <i>Ἐπὶ τῷ Λοδοῖκῳ Σελτζίῳ θανατῷ.</i> | 82. |

EPIGRAMMATA.

- | | |
|--|-----|
| I. <i>Αινιγματῶδες.</i> | 85. |
| II. <i>Ἐἰς τρεχέδειπνον παράσιτον.</i> | 85. |
| III. <i>Ad Chanavarinum.</i> | 86. |
| IV. <i>Ad Mariam Prateam.</i> | 87. |
| V. <i>In cor Gulielmi Menagii.</i> | 88. |
| VI. <i>Inscribendum Cryptæ conchyliatæ
Herculis Valquelini Yvetelli.</i> | 88. |
| VII. <i>In Gelliam cæco nuptam.</i> | 88. |
| VIII. <i>In imaginem Christinae Suecorum
reginæ.</i> | 89. |
| IX. <i>In Mattum aleatorem.</i> | 89. |
| X. <i>In obitum Joh. Bapt. Poquelini Mo-
lerii.</i> | 90. |
| XI. <i>In obitum Gabr. Cossartii.</i> | 90. |
| XII. <i>In Polycrenen agri Sancaronij &
Bavillæi fontem.</i> | 91. |

INDEX CARMINUM.

ODÆ.

- I. *Ad D. Virginem Yvrandæam Servatricem.* 92.
- II. *Ad Antonium Hallæum.* 96.
- III. *Ad Carolum Pererium.* 98.
- IV. *Ad Ludovicum XIV. Regem Christianissimum.* 101.
- V. *Ad eundem.* 106.
- VI. *Ad Nicolaum Heinsium.* 109.
- VII. *Ad Tempe Alnetana.* 112.
- VIII. *In poemata Johannis Reinaldi Segreſi.* 113.
- IX. *Ad Christum Victorem.* 115.
- X. *Ad Divam Genoveſam.* 116.

MISCELLANEA.

- I. *Funus Claudii Salmasii.* 119.
- II. *Votum pro reditu è Suecia in Galliam.* 127.
- III. *Pſalmi CXXIX. Paraphraſis.* 128.
- IV. *In Aggeres Hollandicos.* 130.

APPROBATIO.

JUSSU Illustrissimi Galliarum Cancellarii legi volumen editum Ultrajecti anno M D C C. cui volumini titulus est : *Petri Danielis Huetii Poëmata latina & græca , &c.* tum nonnulla etiam ejusdem poëmata seorsum edita : quæ recudenda typis omnia censui , uti genuinæ antiquæ poëseos specimina. Datum Luteciæ Parisiorum. Kal. Jan. 1709. FRAGUIER.

PRIVILEGE DU ROY.

LOUIS par la grace de Dieu Roy de France & de Navarre ; à nos amez & feaux Conseillers , les gens tenans nos Cours de Parlement , Maîtres des Requêtes ordinaires de notre Hôtel , grand Conseil , Baillifs , Senechaux , Prevôts , leurs Lieutenans , & à tous autres nos Justiciers qu'il appartiendra , Salut. Notre amé JACQUES ESTIENNE , Marchand Libraire en notre bonne Ville de Paris , Nous a fait remontrer qu'il luy a été mis és mains un petit Recueil intitulé , *Petri Danielis Huetii Abrincensis Episcopi Carmina* , qu'il desireroit donner au Public , s'il nous plaisoit de le lui permettre par nos Lettres sur ce nécessaires. A CES CAUSES , voulant favorablement traiter l'Exposant , nous luy permettons par ces Presentes de faire imprimer , vendre & debiter dans tous les lieux de notre Royaume ledit Recueil intitulé , *Petri Danielis Huetii*

Abrincensis Episcopi Carmina, de telle marge, volume, caractère, & autant de fois que bon luy semblera, l'espace de quatre années consecutives, à commencer du jour & date des Presentes: pendant lequel temps nous faisons défenses à toutes sortes de personnes d'en introduire dans notre Royaume aucun Exemplaire d'impression étrangere; à la charge qu'il sera mis deux Exemplaires de ce Livre dans notre Bibliotheque publique; un en celle du Cabinet de nos Livres dans notre Château du Louvre, & un dans la Bibliotheque de notre tres-cher & feal Chevalier Chancelier & Garde des Sceaux de France le sieur Phelypeaux, Comte de Pontchartrain, Commandeur de nos Ordres, avant que de l'exposer en vente; à condition aussi que l'impression sera faite en beau caractère, sur de bon papier, dans notre Royaume & non ailleurs, conformément aux Reglemens de la Librairie & Imprimerie, à peine de nullité des Presentes, lesquelles seront registrées sur le Registre de la Communauté des Imprimeurs-Libraires de notredite Ville de Paris, dans trois mois du jour de leur date: Si vous mandons & enjoignons que du contenu en icelles vous fassiez jouir & user ledit Expositant pleinement & paisiblement, ou ceux qui auront droit de luy, sans souffrir qu'il leur soit fait aucun empêchement. Voulons aussi que la copie des Presentes qui sera imprimée au commencement ou à la fin dudit Recueil soit tenue pour bien & deuëment signifiée, & qu'aux copies qui en seront collationnées par l'un de nos amez & feaux Conseillers & Secretaires, foy soit ajoutée comme à l'Original. Commandons au premier notre Huissier ou Sergent sur ce requis, de faire pour l'exécution d'icelles tous

actes nécessaires , sans demander autre permission , nonobstant Clameur de Haro , Charte Normande , & Lettres à ce contraires ; car tel est notre plaisir. **D O N N E'** à Versailles le seizième jour de Mars l'an de grace mil sept cent neuf , & de notre Regne le soixante-sixième. Par le Roy en son Conseil. *Signé* , **LE PETIT.**

Registré sur le Registre n. 2. de la Communauté des Libraires & Imprimeurs de Paris , page 426. n. 827. conformément aux Reglemens , & notamment à l'Arrest du Conseil du 13. Aoust 1703. A Paris ce 22. Mars 1709.

L. SEVESTRE , Syndic.

PETRI



PETRI DANIELIS
HUETII,
EPISCOPI ABRINCENSIS,
CARMINA.

ECLOGÆ.

I.

VITIS.

*Vitis puella , & Ulmus pastor , ob violatam fidem
quam illa Baccho juraverat , in arbores
cognomines mutantur.*

AD CLAUDIUM SALMASIUM.



T nos infaustum Vitis referamus
amorem ,

Quoque modo juvenem dum cæca
amplectitur Ulmum ,

Formosum torta mutaverit arbore pectus.

A

At tu, siue leves scriptis ulcisceris Anglos,
Dogmata seu torvo referas dictata Cleanthi
Porticibus quondam pictis, seu quo ordine quon-
dam

Constiterit patriis acer Romanus in armis,
Claudi, noster amor, tenues ne despice lusus.
Tempus erit cum nos, adsit modo faustus Apollo,
Jam pastoralis spernentes carmina Musæ,
Rite suum Divis olim dicemus honorem,
Et Divûm genus Heroas tollemus ad astra.

Tum quoque, Salmasi, nostro celebrabere cantu,
Si modo non refugis, mistusque videberis illis.

Dum summo quondâ Parnassi è vertice Bacchus
Prospicit, atque oculis late circum omnia lustrat,
Plurima floriferis exultat Oreas in arvis,
Et simul implicitis manibus per gramina festas
Exercet choreas; quas inter candida Vitis
Emicat, egregio tantus decor infidet ori.
Hanc Deus ut vidit, venis ut concipit ignem,
Et molli nitidos infigit pectore vultus.

Continuo specula præceps erumpit ab alta,
Et placido primùm Nympham sermone salutat,
Inde etiam officiis permulcens omnibus ambit.
Nec Dea dedignata Deum est: mox victa dolosis
Obsequiis roseas ardentem excepit in ulnas.

Scilicet ex illo paribus conjunxit amantes
Unus amor nodis, una arcto copula nexu.

Interea longum nigros carpebat ad Indos
Bacchus iter, cædesque viris ac vincla parabat.
Protinus attonita turbatam mente puellam
Tristis adit, mœstis & fletibus ora rigantem.
Jamque vale, mea Vitis, ait; me jussa Tonantis
Extera nunc cogunt invitum quærere regna.

Adjuro pice torrentes & sulfure ripas
Non aliàs tantum me suscepisse dolorem.
Finibus at postquam me fatum extruserit istis,
Seu teretem versas arguto pollice fusum,
Seu clamore premis timidos ad retia damas,
Seu levibus comitum saltas immista choreis,
Vive memor nostri; non unquam obliviam vultus
Ulla tuo possint è pectore tollere nostros.
Dixit, & averso torfit vestigia gressu.
Illa quidem, ut perhibent, curis ingentibus ægra
Fugit, & in sylvis sese Dea condidit altis,
Multa gemens, magnoque animum labefacta
dolore;

Dum precibus vanis Superos cœlumque fatigat,
Atque sui frustra reditum sibi poscit amantis.

Aurea jamque suum bis Luna impleverat orbem:
Illa per umbratos saltus, scopulosque sonantes,

Errabat demens animi, lymphataque Bacchum,
Absentem Bacchum repetita voce vocabat;

Ipsa cavis Bacchum referebat vallibus Echo:

Cum gemitum & Nymphæ vocem procul audit
Ulmus,

Florea dum lentus pecudes per gramina pascit,
Inter pastores longe pulcherrimus Ulmus.

Audit, atque illuc suspensis gressibus ivit,

Flebilis unde dabat se vox, tristesque querelæ.

Atque is, dum frondes inter prospectat opacas,

Incerto mœstam vidit sub lumine Vitem,

Et procul obscura vultus agnovit in umbra,

Fletibus humentes vultus, lacrymisque decoris.

Ille quidem fletus Nymphæ miseratur acerbos,

Nec-non & Nymphæ vultus miratur & ora.

Haud mora de latebris audax se proripit Ulmus,

Turbataque dedit se coram Vite videndum.

Mox prior hic, Quæ te lacrymantem incom-
moda tangunt,

O Dea, quis nigris cogit te condere sylvis?

Namque Dea es, si quid divino creditur ori:

Hæc Ulmus: Vitis contra sic rettulit Ulmo,

Nam secreta, puer, quis te loca quærere ius-
sit,

Furtivam ut nostris præberes lactibus aurem?

Quod petis, haud promptum est longum narrare
laborem.

Sic ait, atque alios agitabat mente receptus,
Cum tali juvenis dubiam sermone repressit:

O utinam tantos possim lenire dolores!

Hic ego dum pasco fimas per rura capellas,

Auditur luco gemitus lacrymabilis imo;

Scilicet accurri. At si quidquam opis indiga nostræ
es,

Nusquam abero, non me officiis superaverit alter.

Sed nunc in sylvis vitam quid transigis atris,

More feræ? nostris potius succedito tectis:

Et sunt nostra quidē tecta huic contermina sylvæ.

Hic varia instructas onerabunt fercula mensas:

Et noster dare si qua valet solatia cantus,

Tale tibi blanda modulabor arundine carmen,

Quale sub Arcadio cantat Pan ipse Lycæo.

His permulsi animi, & sensim de pectore cessit

Quippe dolor, nec jam sylvæ placuere silentes,

Jamque petit sibi formoso solamen ab Ulmo.

Bacchum amat illa quidem, sed & Ulmum di-

ligit illa.

Et dum Bacchus abest, præsentem diligit Ulmum.

Quid plura? absentem paulatim abolere Lyæum

Incipit, atque novo Vitis consumitur igne.

Sæpe illam, Bacchi cum forte recurſat imago,
Mutaviſſe fidem pudet, & nil tale merentem
Deſeruiſſe Deum, pecoriſque ariſſe magiſtrum:
Sæpe ſui vultus ſi forte aſpexerit Ulmi,
Tum fortunatam tali ſe credit amante.
Ipſe etiam ſimiles traxit per viſcera flammæ
Ulmus, & inſoliti ſtimulos perſenſit amoris.
Felix Ulme nimis, Vitem dum diligis, illa
Reſpondet curis, & amorem exæquat amore.

Jamque triumphatis victor remeabat ab Indis
Bacchus, eum circum gravibus conſtricta catenis,
Nec bene ſervitii patiens gens decolor ibat.
Ille ubi felici notas pede contigit oras,
Prima videre ſuam tanto poſt tempore Vitem
Cura fuit, ſolitaſque audire & reddere voces.
Necdum etenim Vitis veſanum, Bacche, furorem
Audieras. Nymphæ is ſubito ſe ad limina profert:
Nympha per umbroſos, Ulmo comitante, reſeſ-
ſus,

Deliciasque hortorum inter, florentiaque arva
Iverat, & niveis Ulmum tum forte lacertis
Amplexata, ſibi æternos optabat amores.
Cum procul hærentem juveni, mollique foventem
Complexu, torvo reſpexit lumine Bacchus.
Illicet irarum violento percitus æſtu,

Ergone, ait, nostrum potuisti fallere numen,
Immeritumque dolis fraudasti, perfida, Bacchum?
Ergo puella meos impune irriferit ignes,
Supplicioque scelus, merita nec morte rependet.
Juppiter, ô nostri si verè sanguinis auctor
Diceris, & non ulla tuæ te tædia prolis
Cepere, ingratam pœnas da solvere Vitem,
Quas meruit; nec se pœnis subduxerit iste,
Sitque in morte comes, ceu turpi in crimine,
Pastor.

Audiit Omnipotens gemitus & vota rogantis.
Continuo amborum terræ vestigia figit.
Tum vero ramos digitis exire videres,
Et viridi comptos involvi fronde capillos.
Jamque suum sentit nodoso cortice pectus
Nympha tegi, & rigido mutari viscera ligno.
Tu quoque supplicio, Pastor, damnatus eodem,
Pro capite excelsum tollis super astra cacumen,
Pro pedibus lenta radice in Tartara tendis,
Emoriturque vagus procero in corpore sensus.
Sed quamvis duro septi sint undique libro,
Lumine cassi ambo, penitusque sit arbor uterque,
Una tamen semper miseris sententia restat;
Hæc Ulmo æternum dum vult hæsisse marito,
Hic tenuisse inter dilectam brachia Vitem.

I I.

IRIS.

Iris Junonis nuntia , repulso Mercurio , Phœbi blandimentis capitur. Mercurius furtivos Iridis amores defert ad Junonem. Illa , re compertâ , Iridem obscuras in nubes relegatam æterno divortio à Phœbo distrahit.

F Ida comes Junonis erat Thaumantias Iris ,
 Nuntiaque in terras Divæ mandata ferebat ,
 Sueta caput variis florum vincire corollis.
 Hanc tranantem auras , & vectam nube curuli
 Viderat ætherea sublimis Phœbus ab arce :
 Viderat , & totis admiserat ossibus ignem.
 Longe illi tunc Oebalides , Peneia longe
 Virgo fuit ; formosa animo sola hæserat Iris ;
 Et veteres ægro pellebat pectore curas.
 Ergo diem quoties cœlo revehebat aperto ,
 Aut Tartessiacis tingebat fluctibus axem ,
 Irin per cælum , per terras saucius Irin
 Vestigat radiis. Nec tantæ hæc nescia curæ
 Senferat obtutus , haud aspernata , benignos ,
 Læta Deo , & furtim captabat lumina Solis ,

Et decedenti sese dabat ante videndam.
Præcipue quoties prætexere fuetus amor
Officium Phœbus Junonia tecta subibat,
Comptior hæc solito velaverat ante recenti
Flore caput, pictaque aderat perlucida palla.
Dumque ministerium solers obit, & modo Divæ
Candida puniceis subnectit crura cothurnis,
Effusasve comas dentato dividit auro,
Interea limis Phœbum respectat ocellis,
Signa notat, vultumque Dei, nutusque loquaces.
Mox quæcunque gerit, quoquo vestigia flexit,
Phœbus adest, hæretque comes: non horridus
 arcu,
Qualis in adversos mittebat tela Gigantes,
Aut qualis tumidum stravit Pythona sagittis;
Sed placidus, sed mitis adest; nunc mollia sup-
 plex
Verba jacet, nunc blanditos dat pectore questus;
Visaque formosis humescere fletibus ora.
Iri, inquit, mea lux, ô nostris pulchrior Iri
Luminibus, tibi par toto nil vidimus orbe,
Cum cœlum & vastas lustramus lampade terras.
Te sine nox atque umbra sumus: simul aurea cœlo
Exoreris, nostro clarum decus additur astro.
Felix ille, tuos potuit qui cernere vultus;

Flectere qui pectus poterit, felicior ille:
Ipsa superciliis quiddam vocalibus audax
Annuit, & placito vix tandem pugnat amori.
Ergo ubi jam primo tentari percipit igne
Virgineum pectus, nitido munuscula cultu
Addit, Erythræo quæsitæ littore conchas,
Intextasque auro vestes, & florea ferta,
Et quæ multa leves prolectant dona puellas.
Quondam etiam, si forte vacat, nec iussa mo-
rantur

Junonis, placidis demulcet cantibus Irin,
Argutos tereti perstringens pectine nervos,
Divinumque modis aspirat Phœbus amorem.
His penitus molliti animi Thaumantidos, & jam
Victa labat: non occultum sub pectore vulnus
Secum alit, aut cæcos tacitus pudor opprimit æs-
tus:

Dulcibus illa palam flammis favet; anxia cœlo
Quærit amatorem passim, arridetque reperto.
Compellat, miscetque jocos, nec sola recusat
Colloquia, & lenes sera sub nocte susurros:
Non thalamos subeuntem arcet, foribusque re-
pellit.

At non hæc Maja genitum latuere per auras
Labentem cœlo, & rapidis talaribus actum.

Ad roseam prius hic oculos adjecerat Irin ;
Sed duram obsequiis mentem expugnare puellæ
Dum studet , illa Dei vanum frustrata laborem
Restitit , & blandos aliò convertit amores.
Scilicet is sævum duxit memor inde dolorem.
Alte hærent animo , prælati injuria Phœbi ,
Fastiditi ignes , turpisque offensa repulsæ.
His super accensus , postquam æthere vidit ab alto
Iridis admissum furtim in penetralia Phœbum :
Illane , ait , tandem , præ te quam , sancta , fe-
rebas ,
Illa pudicitia est ? hic est rubor ille modesta
Fronte sedens , timido dejectaque lumina vultu ?
Cum juvenum coetus fugiens , castissima virgo ,
Interiora domus peteres , atque abdita claustris
Oppositam firmo munires objice portam.
Appliciti foribus nos supplex turba sedemus ;
Ornant festa feras , triverunt oscula limen ,
Et frustra ad surdos jactamus carmina postes :
Tu nos interea postico , subdola , fallis ,
Et furtiva patet venienti janua Phœbo.
Hunc juvat inde meas ridentem audire querelas ;
Et tecum dulces per noctem ducere somnos.
Vestrorum at certe fit Juno testis amorum ,
Dique , Deæque omnes. Superas sic fatus in auras

Tollitur, & celeri Junonis sacra volatu
Tecta petit. Juno auratis tum forte sedebat
Porticibus, magna Divûm stipante corona.
In mediis adstans Tegeæus, Nunc ades, inquit,
Nunc ades, ô Juno, tua te sibi postulat Iris,
Illa tuarum Iris testisque & conscia rerum.
Nescio quis thalamos irrumperè virginis ausus
Dicitur oppressam validis retinere lacertis
Per mediam noctem, dum tu alto cum Jove
dormis;
Omnia confimilis Phœbo, faciemque, coloremque,
Et rutilos auro erines, floremque juventæ.
Et nunc ille quidem thalamo latet abditus; at mox,
Ni properas, vigilum curas eluserit omnes.
Erubuit regina Deûm: nec talia credit
Mercurio narranti, aut se non credere fingit.
Exilit illa tamen regali sede, viamque
Iridis ad sedes cita corripit. Ocyus omnes
Confluxere Dei. Cum Nymphæ ad limina ven-
tum est,
Impulit obductos tacito molimine vectes
Protinus, & celeri Juno petit intima gressu.
Heu virgo infelix! thalami male tecta latebris,
Languida dum molli declinas lumina somno,
Et vos cæcus amor lecto complectitur uno.

Inscia coelituum præbes ludibria turbæ,
Nec te sæva oculis Saturnia conspicit æquis.
Junonis sedenim mentem pudor, iraque turbant.
Surgite, ait, tandem, par nobile, surgite, aman-
tum :

Sat lusu somnoque datum. Nunc nubibus, Iri,
Conditor obscuris, & nigro carcere cœli,
Quæ turpi sacros fœdasti crimine coetus.
Te vero, nivei corruptor, Phœbe, pudoris,
In cœli oppositas jubeo discedere partes.
Sic ait, & flentem famulæ Thaumantida duris
Constrictam vinclis in nubila cæca relegant.
Hic latet, hic longo mœrens consumitur ævo.
Sed quamvis miseram violati fama pudoris
Angit, & æterni tenebrosus carceris horror,
Plus Phœbo caruisse dolet: gemit irrita vota;
Vanaque conjugia, & frustra inceptos hymenæos.
Nunc etiam, si forte imis conspexit ab antris
Adverso Phœbum spatiantem limite cœli,
Ilicet impatiens vinclorum erumpere gestit
Quà datur, & summa rutilum caput exerit æthra,
Præcinctum sertis diversicoloribus Iris;
Te solum, te, Phœbe, petens, si qua aspera fata
Rumpat, & ereptum sibi reddere possit amantem.
Sed superûm decreta vetant, & ferrea Juno

Tristia mansura sancit divortia lege.
 Ergo amens animi Thaumantis filia largos
 Solvitur in fletus; lacrymis manantibus æther
 Perpluit, infaustosque Deæ testatur amores
 Usque coloratis descendens nubibus imber.

III.

MAGNES.

Magnes, calorū explorator sagax, cū in eam deflexisset impietatem, ut Naturam Diis sublati omnium rerum parentem diceret, in Lapidem ab Jove conversus est; illius sectatores in Ferrum.

Materies oreris nostro dignissima versu,
 Myſta ſagax cœli, naturæ nobilis index;
 Accola piſcoſi, Magnes, memorande Cayſtri.
 Tu tentare domos ſuperas, tu ſidera pernox
 Metari, & rerum meditando extundere cauſas
 Auſus eras; tu naturæ ſecreta latentis
 Diſcipulorum inter denſas vulgare cathedras:
 Lydia te ſtupuit tellus, te Mæonis ora,
 Boſporus, & ſparſæ te Cyclades æquore toto;
 Te Tyros, & Serum gentes, atque ultima Thule.
 Invida ſed Nemefis præclara intercipit orſa.

Nam dedignatus spes affectare caducas,
Ut super humanam sublimia pectora sortem
Extulerat Magnes, non illum tetra libido
Illecebris vinctum tenuit, non pocula Bacchi,
Non animum fregere dapes, risusque, jocique,
Non chelys, & ductæ levia inter carmina noctes.
Non, studiis vulgi aut populari obnoxius auræ,
Quærit opes, claroque parat splendescere cultu.
Ast hominum fugiens cœtus, loca sola frequen-
tat.

Nunc vagus Ægæi vacuum legit æquoris oram;
Nunc Sipyli valles lentus jacet inter amœnas,
Aut latet umbrosis Tmoli projectus in antris,
Dum mens nobilibus doctrinæ exercita curis,
Emicat, atque gravi membrorum mole soluta
Abdita scrutatur nascentum exordia rerum;
Unde graves terræ, fluidum mare, mobilis ær,
Ignis edax; quæ vis tenerum compegerit orbem,
Duxerit inque novas concreta elementa figuras:
Missus an Æoliis prorumpat ventus ab antris,
Quæ fluvios urnæ campis fontesque ministrent.
Noverat ille quibus liquefacta metalla caminis
Fundat, & in solidum duret natura rigorem;
Quid filicis venis inclusos alliget ignes;
Fulmen sponte cadat, vindex an ab æthere mittat

Tela Deus Siculis Cyclopum cusa cavernis ;
Quid quatiat terras , refluxum cur æstuet æquor
Motibus alternis ; pluvium quis contrahat arcum ;
Et varios pingat roranti in nube colores.

His animum postquam spatia inter longa dierum
Intendit studiis , cœlo surgentibus astris ,

Protinus alta petit Mycales , celsive Mimantis
Culmina , qua partem patuit prospectus in omnem :
Hic cœlo fruitur per noctem liber aperto ,
Et mundi in varias oculos circumtulit oras.

Astra notat , signatque situs , qua parte sub undas
Prona cadant , qua parte suos revehantur ad ortus.

Solis hic obliquos duodena per astra meatus
Solstitiique moras , æquataque tempora noctis

Atque die , longo rerum perspexerat usu.

Ergo signiferum segmentis quatuor orbem
Dividit , & gradibus decies segmenta novenis ;

Singula comprehendant partes ut signa tricenae ,
Integer & totum describat circulus annum.

Hic primus gemino deprendit cardine ferri
Sidera , & immotum rapidæ vertiginis axem

Immensos cœli penetrare volubilis orbes.

Cætera dumque levis circum rapit impetus , illos
Certis stare locis , sedesque tenere quietas.

Hos Graii dixere Polos ; quorum infimus alter

Tantum

Tantum atro sub Dite latet, stygiisque tenebris,
Quantum alter claro fertur sublimis Olympo.
Proxima contractis volvuntur sydera gyris,
Arctophylax, Coluberque ingens, atque Arcades
Ursæ.

Huc mentem, huc vigiles oculos advertere Ma-
gnes

Sueverat, & motus numeris signare, locosque.
Inde rudes pelagi nautas, vix summa legentes
Littora, vix trepidis ausos vada scindere remis,
Pandere vela jubet pelago, terrisque relictis
Astra sequi, claroque docet confidere cœlo.

Inprimis geminas attendere jussit ad Arctos,

Arctos æquoreo fugientes gurgite mergi:

Ut Tyrias Cynosura brevi regat orbe carinas,

Et Grajas Helices agat ingens circulus alnos.

Quinetiam vigili deprendit sedulus arte,

Quot gradibus terras superet Polus. Æreus axis,

Gnomona quem Graii patria dixere loquela,

Cuditur, ut magno mundi respondeat axi.

Altera pars impacta solo est, pars altera sursum

Erigitur, spectatque Polum, monstratque per

umbras

Solis iter, spatiis & tempora dividit æquis,

Bissenasque diem solidum partitur in horas.

B

Quæ postquam studio fuerant comperta sagaci ;
Privatos non hæc tacitus servabat in usus ,
Edebat discenda palam , coetuque frequenti
Intima pandebat magni miracula mundi.
Atque hæc Magnetis demum dictata secuti
Artibus egregiis vitam excoluere nepotes ,
Quos Syros , quos alta Samos , Grajæque Crotonis
Felix ora tulit , Lacedæmoniumque Tarentum ,
Doctorumque Pharos nutrix fœcunda virorum.
Illo Pythagoras redivivus dogmata fonte
Haupta tulit populis Italûm , quæ deinde secutus
Edidit Archytas inter pineta Galefi ;
Et docta Archytæ soboles Ægyptius Horos ,
Quique novum sydus gaudentibus intulit astris ,
Regalem Bereniceo de vertice crinem.
Hæc hominum faciles animos , juvenumque ,
senumque ,
Hæc adolescentum mentes cepere novellas.
Noctes atque dies affixi postibus hærent ,
Circumstant , urgentque virum , prensantque ro-
gando ;
Ille rudes format populos , obscura resolvit ,
In dubiis responsa refert , animasque jacentes
Tollit humo fursum. Juvat ire per æthera magnum
Hoc duce , & occultos terræ penetrare recessus ,

Aëriasque domos, & avari viscera ponti.
Hoc duce, quas homini prudens natura negavit
Quæsiwere vias. Ludus fuit æquoris undis
Commisisse animas: ausi conscendere summum
Aëra, & audaci nubes tranare volatu,
Præpetibus pennas circumposuere lacertis.
Hac demum fretus miranda Dædalus arte
Insolitum per iter Minoia vincla fefellit.
Verum ubi sublatas inflavit gloria mentes,
Cessit pulsa Deum sensim formido, pioque
Erasere, nefas, tumido de pectore sensus.
Solvite, dicebat Magnes, heu solvite vana
Relligione animos; mundum Natura gubernat;
Hæc coelum variis, hæc terras temperat horis.
Non Mars bella ciet, nullum Bellona flagellum
Sæva quatit, nullus Phœbi volat æthere currus,
Juppiter incestis nec mittit fulmina lucis.
Ista sibi quondam simplex commenta vetustas
Finxit, & ignaris illudit mentibus error.
Pellite nunc tandem pavido de corde timores.
Sola parens Natura Dea est, sola omnia gignit,
Sola fovet, vastis sola omnia continet ulnis;
Cætera fabellas, focii, credamus aniles.
Talia jactantem non auribus audiit æquis
Juppiter: At certe veros, ait, impie Magnes,

Quæ postquam studio fuerant comperta sagaci ;
Privatos non hæc tacitus servabat in usus ,
Edebat discenda palam , coetuque frequenti
Intima pandebat magni miracula mundi.
Atque hæc Magnetis demum dictata secuti
Artibus egregiis vitam excoluere nepotes ,
Quos Syros , quos alta Samos , Grajæque Crotonis
Felix ora tulit , Lacedæmoniumque Tarentum ,
Doctorumque Pharos nutrix fœcunda virorum.
Illo Pythagoras redivivus dogmata fonte
Hausta tulit populis Italûm , quæ deinde secutus
Edidit Archytas inter pineta Galesi ;
Et docta Archytæ soboles Ægyptius Horos ,
Quique novum sydus gaudentibus intulit astris ,
Regalem Bereniceo de vertice crinem.
Hæc hominum faciles animos , juvenumque ,
senumque ,
Hæc adolescentum mentes cepere novellas.
Noctes atque dies affixi postibus hærent ,
Circumstant , urgentque virum , prensantque ro-
gando ;
Ille rudes format populos , obscura resolvit ,
In dubiis responsa refert , animasque jacentes
Tollit humo sursum. Juvat ire per æthera magnum
Hoc duce , & occultos terræ penetrare recessus ,


Aëriasque domos, & avari viscera ponti.
Hoc duce, quas homini prudens natura negavit
Quæsiwere vias. Ludus fuit æquoris undis
Commisisse animas: ausi conscendere summum
Aëra, & audaci nubes tranare volatu,
Præpetibus pennas circumposuere lacertis.
Hac demum fretus miranda Dædalus arte
Insolitum per iter Minoia vincla fefellit.

Verum ubi sublatas inflavit gloria mentes,
Cessit pulsa Deum sensim formido, pioque
Erasere, nefas, tumido de pectore sensus.
Solvite, dicebat Magnes, heu solvite vana
Relligione animos; mundum Natura gubernat;
Hæc cœlum variis, hæc terras temperat horis.
Non Mars bella ciet, nullum Bellona flagellum
Sæva quatit, nullus Phœbi volat æthere currus,
Juppiter incestis nec mittit fulmina lucis.
Ista sibi quondam simplex commenta vetustas
Finxit, & ignaris illudit mentibus error.

Pellite nunc tandem pavido de corde timores.
Sola parens Natura Dea est, sola omnia gignit,
Sola fovet, vastis sola omnia continet ulnis;
Cætera fabellas, focii, credamus aniles.

Talia jactantem non auribus audiit æquis
Juppiter: At certe veros, ait, impie Magnes,

Experiere Deos. Simul atra mollia caute
Membra ligat: facies homini non pristina mansit;
Occupat ora filex, nec vox aut verba sequuntur,
Et gravis in medio lapidescit lingua palato.
Jam nec vena salit; nec cor micat: intima torpent
Viscera, constrictos pervadere desinit artus
Sanguis, & obstructis exaruit ossibus humor.
Heu miser, obscuris Lydorum conditus antris
Saxum informe lates; te flerunt Asia Tempe,
Te vagus ambiguus flevit Mæander in undis.
Nec mage discipulis ultrix Jovis ira pepercit.
Contudit afflatas vesano crimine mentes,
Aspera que eduro mutavit pectora ferro:
Et tactum obrigit lethali frigore corpus.
Non omnis tamen in tenues evanuit auras
Spiritus: antiquum retinent Doctoris amorem;
Irrequietus agit deformia corpora motus,
Si qua præsentis possint hæere magistro.
Ipse novam quamvis mutato corpore formam
Induerit Magnes, haud cessit pristina cura.
Vestigare Polum pergit, geminosque Triones
Quærere, & ad rectum mundi componitur axem.



IV.

APARINE.

Aparines fidem precibus & obsequiis expugnat Ganimedes, nec multo post tempore in calum transfertur. Illa, cum ereptum fraude maritum diu ac frustra quareret, nimioque desiderio tabesceret, mortem optatam, in Aparinen plantam mutatur.

Pulsa ministerio Junonia cesserat Hebe,
Grataque miscebat cælesti pocula mensæ
Nuper Dardania Ganimedes raptus ab Ida,
Ora puer nondum prima lanugine signans.
Illum Gargareis spatiantem collibus, alto
Sacra Jovi correptum ales tulit unguibus uncis,
Et pavidum cœli superas evexit ad arces.
Mœrens interea Trojana Aparina per arva
Errat, & amissum deserta requirit amantem,
Idæas Aparina inter pulcherrima Nymphas:
Quam furtim in sylvis, glauci Simoëntis ad undam,
Ruricolæ Fauno genuit Cebrenia Metis,
Metis Hamadryadum non ultima; perque latentes
Occultam saltus matri mandavit alendam.
Illa sub umbrosis educta adoleverat antris.

Nec tamen egregiæ longo præstantia formæ
Tempore delituit. Manabat pumice vivo
Fons sacer, inque lacum tenues collegerat undas.
Suave per æstatem, dum candet torridus aër,
Languida flumineo solari frigore membra.
Sæpe illuc, cæli cum Sol suprema teneret,
Impatiens æstus Aparina venire solebat,
Et virides inter velamen molle genistas
Rejiciens, gelida corpus perfundere lymphæ.

Troïus at juvenis riguæ florentibus Idæ
Errabat tum forte jugis, cursuque premebat,
Et levibus jaculis, celeres ad retia cervos.
Assiduo tandem venatu fessus, & æstu,
Et fauces angente siti, convallibus imis
Prætereuntis aquæ rivos sectatur in umbra.
Haud procul, annosæ densis sub frondibus ulmi
Abditus, ambigua vidit sub luce nitentes
Promentem gelidis Aparinam fontibus artus:
Vidit & obstupuit, secumque hæc corde volutans,
Nam quid, ait, video? num sacro tincta liquore
Nocturnos Diana parat conscendere currus?
Quis nitor in vultu? quis in omni corpore candor?
Fiam ego Tiresias, fiam Cadmeïa proles,
Dummodo cælestem liceat prope visere formam.
Troïus hæc secum: Nympham mox optat adire,

Et timet, incertosque animos huc versat & il-
luc.

Nec prius accedit, quam se circumspicit ipse,
Conciliatque novos oculis attentus honores.

At simul incerta venientem agnovit in umbra
Nympha virum, tutos meditatur mente receptus;
Tendit in adversam facili conamine ripam,
Exilit, utque fuit sine vestibus, intima sylvæ
Nuda petit, nigroque pavens sese occulit antro.
Tum juvenis visæ succensus imagine formæ,
Quo fugis? exclamat, quonam te proripis? istos
Pone metus, non me Satyri genuere procaces
Qui teneris vim ferre parem, vitiumque puellis.
Ille ego per sylvas errans, cudone ferino
Tempora protectus, cujus vestigia pero
Crudus nuda tegit, Trois sum regia proles,
Supplicibusque tamen posco tua numina votis.
Huc ades, inque sinus, ô formosissima, nostros
Labere, Trojani regis nurus. Hæc ait, & mox
Colligit abjectas in fontis margine vestes,
Collectasque antri perfert nigrantis ad oram.
Exere cœlestes, inquit, nunc exere vultus,
Induere, atque tuo jam consule, virgo, pudori.
Nullæ hic insidiæ, vanæ sunt nescia fraudis
Pectora: si magnum noles Ganymedis amorem,

Sanctum etiam fidumque scies : tantum annue
votis

Supplicibus , vinclo mecum sociata jugali
Neu pudeat placidæ consortia ducere vitæ.
Sic fatus , lucum subiit , latuitque sub umbra
Fronde levi tectus ; dum misso Aparina timore ;
Mollibus & dictis tegmen lenita resumit
Depositum , pictoque nitens procedit amictu.
Jam non conspectus , jam non exosa viriles
Affatus ; sed qua Ganymedes parte recessit ;
Huc oculos , huc illa pedes , huc ora ferebat ,
Et pulcrum victa jam mente petebat amantem.
Nec se Dardanides dumosis usque latebris
Continet , ut facili visa est placabilis ore.
Fit propior , verbisque ultro compellat amicis ,
Arcanumque loquens dictis inspirat amorem.
Illa verecundo dejecit lumina vultu ,
Occupat ora rubor , dein paucis talia fatur :
Non sunt vineta mihi duro præcordia ferro ;
Sentio quid sit amor : felix quam foedere certo
Tecum junget Hymen , quam tu dignabere tæda.
Nunc ergo paribus votis sit Juppiter auctor ;
Accipe , daque fidem. Dixit , dextramque petivit
Trojani juvenis ; dextræque is virginis hæsit.
Exin deliciis , exoptatoque fruuntur
Conjugio

Conjugio , similes urunt dum pectora flammæ ,
Irruptoque tenet socialis copula nexu.
Felix illa viro , formosa is conjugē felix.
Sed quid in humanis felix fas dicere rebus ?
Quas lacrymas , quos , Nympha , tibi fortuna do-
lores

Sæva parat ! dulci flebis viduata marito ,
Invidus & Superūm rector tua gaudia tollet !
Altera fulgebat post tædas Luna jugales :
Illa fatigatum florenti in gramine corpus
Dum ponit , dulcesque admittunt lumina somnos :
Ecce repente volans summa Jovis armiger æthra ,
Molliter amplexus juvenem tenet , & pede curvo
Sublimem rapiens infert gaudentibus astris.
Interea mentem atque oculos Aparina sopore
Pressa gravi jacet in sylvis , ignara malorum
Quæ sibi cœlesti conflavit Juppiter arce.
Nam postquam vacuo discussit pectore somnum ;
Sponsum oculis , sponsum cursu , sponsum anxiam
frustra

Mente petit ; non ulla quies , nec cum æquore Titan
Mergitur , aut cælum curru , terrasque revisit.
Antra per , & scopulos , atque avia lustra ferarum
Fertur inops animi , cœlum clamoribus implet ,
Magna voce vocans Ganymedem insana maritum :

Vocales referunt Ganymedis nomina sylvæ.

Jamque pererratis nemorosæ anfractibus Idæ ;

Protinus arva petit , campisque vagatur apertis ;

Si quis oves pascit , si quis grave versat aratrum ,

Si quis iter longe visus celerare viator ,

Hunc adit , hunc prensat , properantem hunc

voce moratur ,

Multa super Ganymede rogans. Quam vana la-

boras ,

Perdita , quæ frustra speres deprendere magni

Furta Jovis , gratoque Deos fraudare ministro !

Ergo exhausta animis , longoque exercita cursu ,

Procubuit , nec vox ægram , nec verba sequuntur :

Mortem optat : mortem Superi tribuere volenti ,

Humanique oris speciem , patriamque figuram

Eripuere. Teres corpus , diductaque circum

In tenues abeunt exanguia brachia ramos ;

Stant affixa solo vestigia ; vertice crinis

Defluxit , circumpositæ mansere corollæ ,

Ostendantque suas contexta monilia baccas :

Nec prisca tamen abscedunt Ganymedis amores !

Obsidet illa vias , & prætereuntibus uncas

Injicit usque manus , prensatis vestibis hæret ,

Invitos retinens ; aliquis si forte repertum

Externis veniens Ganymedem nuntiet oris.

V.

P I C U S.

Pico avaro filia erat, quam Mercurius amore ductus ad facundiam & furandi artem informaverat. Mox tamen illa ad Nisum convertit animum, eoque monstrante patris thesauros, in cavam arboris corticem reconditos, clam sustulit. Picus, re comperta, impia fundit convitia in Mercurium furti doctorem; à quo & hic, & filia, ipseque Nisus in aves mutantur.

Quid juvat assiduo truncos pertundere rostro,

Depositosque cava scrutari cortice nummos;

Pice, comes magni quondam dirissime Martis;

Auratas volucris nunc sparsa coloribus alas?

En tua dum dulci complexus membra quiete

Somnus habet, longa obscuræ per tempora noctis;

Subripuit gazas prædatrix Pica latentes,

Grata tibi nata illa, tuo de nomine dicta.

Dux sceleris Nisus, primis qui doctus ab annis

Dejicere emissâ sublimem glande palumbem;

Insidiisve feras captare, & figere ferro.

Ille quidem dorso nemoris dum tectus opaci

Venatu invigilat, tacitus per devia furtim

Suspensio graditur Picus pede, quem gravis auro

Olla premit pendens humeris. Mox ilicis altæ
Summa petit trunco arrepens, libroque resecto
Infodit laceræ thesauros arboris antro.
Quæ procul umbrosa Nisus speculatus ab ulmo
Ad Picam conspecta refert, non futilis index,
Sed juvenes inter Nymphæ gratissimus omnes.
Nam prius huic longo Nisus consueverat usu,
Ex quo Mercurius non sponte reliquit amatam,
Multa dolens, Manesque adiit; sic dura ferebant
Iussa Jovis, longasque moras sub Tartara traxit.
Nec minus illa graves fundebat pectore questus,
Dum simul exactos mœrens reminiscitur annos,
Raptaque præteritæ recolit commercia vitæ.
Floridulo sedenim cum vix pubesceret ævo;
Ausaque tum primum tectis exire paternis;
Sola per irriguas iret virguncula valles,
Roscida Mercurius per sepes fraga legentem
Viderat, & blandos sub pectore traxerat æstus;
Virginis ora notans, & lætæ frontis honores.
Nec tamen hæc formam quæsitâ accenderat arte;
Nulla fuit rudibus legem dare cura capillis.
Pectora erant picta tantum circumdata palla;
Texuit arguto quam sedula pectine mater.
Protinus incautam Cyllenius arte puellam
Fallere, & in positos prædam compellere castes

Subdolus aggreditur; levibus talaria plantis
Detrahit, ornatumque Dei: mox induit ora
Virginis, & Picæ comitem sese impiger addit;
Multa malus fingens, mulcet sermonibus aures,
Causasque ex aliis alias ferit usque loquendi,
Donec in occultos sylvæ venere recessus.
Hic tum Mercurius se, nec sine crimine, prodit,
Vimque adhibet, miscetque preces. Multum illa
repugnat,
Mortalesque vocat vano clamore, Deosque.
Ast urgente Deo num vis juvet ulla puellam?
Hic voto victor potitur, longosque cientem
In cassum gemitus, raptique pudoris honores
Deflentem verbis ultro solatur amicis:
Pica, oculis, inquit, lux optatissima nostris,
Cara animo conjux, ô cœlo carior ipso,
Hic mecum in solis libeat tibi vivere sylvis.
Num te Mercurii uxorem, magnique Tonantis
Pœnitet esse nurum? Nunc virginitatis ademptæ
Præmia magna feres, facundæ munera linguæ,
Dicendique artes, & mentes flectere dictis,
Et quidquid placuit jucundo tollere furto.
His placati animi; sensim his mansuescere corda
Incipiunt; petit ipsa Deum, jamque omnis in uno
Mercurio victæ obsequiis stat cura puellæ,

Pectoraque arserunt paribus concordia flammis:
Mercurii fraudes, & natæ crimina Picum
Persensisse ferunt; sed crebris vicit avarum
Pica patrem donis, culpamque auctore redemit.

At Jovis imperiis Manes Tegeæus ad imos,
Rursus & ad Superûm stellantia limina longam
Cogitur ire viam. Proh quantus amantibus instat
Inde dolor! nigris pernæx flet Pica sub antris.

Ora madent lacrymis, rumpuntur pectora questu.
Cum fugiens raptim nemorum per devia velox
Cerva sub obscurum Picæ se proripit antrum
Fixa latus jaculo; sequitur quam præpete cursu
Nisus agens telis, inflicti vulneris auctor.

Illa velut supplex muta prece visa salutem est
Poscere respectans: nec spernit Pica precantem.
Progreditur latebris, currentique obvia Niso;
Siste gradum, Juvenis, dixit: quid fervidus istuc
Irrumpis, sedes ausus turbare quietas?

Is visu obstupuit; ceciderunt spicula dextra.
Heus, ait, heus aliud nostro stat pectore telum:
Ipse feras captans capior, prædasque petentem,
O Dea, prædata es: captum ne sperne, tuumque
Esse velis. Nisum non averfata rogantem,
Nescio qua sensit tangi dulcedine pectus.
Triste supercilium posuit, vultusque serenos

Induit, & facilem dictis accommodat aurem.
Inde adeo sæpe in sylvis loca sola secuti
Conveniunt, longasque trahunt sermonibus horas.
Tunc longe huic Deus ille fuit, quem nuper inani
Fallacis ductum specie delusit amoris.
Jamque novis prisca cesserunt ignibus ignes.
Tum quoque corticibus, Niso monstrante, cavatis
Occuluisse patrem congestum noverat aurum.
Ilicet injecta est animis vœsana cupido
Tollendi patrias putri de caudice gazas,
Consiliumque fugæ capiunt: præit ipse timentis,
Nescientemque moras urget, dux criminis idem
Depositique index Nisus, suasorque rapinæ.
Clam portantur opes pelago, prædaque potiti
Externas patria gentes petiere relictæ.
Qui simul ad Pici pervenit nuntius aures,
Nisi ausus, probrumque domus, natamque pu-
doris
Oblitam furtim laribus fugisse paternis,
Exiliit trepidans, aurique cubile revisit.
Ast sedes vacuas, & raptum comperit aurum:
Tunc natæ patuere doli, & scelus omne rete-
ctum est.
Ergo fremens animis Picus, verba impia jactat
In Superos, totique facit convivia cœlo.

Præcipue infandas Tegeæi devovet artes ;
Auctorem scelerum appellans , fraudisque ma-
gistrum.

Cælesti interea præpes Tegeæus ab arce ,
Ad Picam tum forte redux properabat amatam.
Mox etiam properasse pudet , Picæ irrita postquam
Pacta audit, turpemque fugâ, Nisique Hymenæos,
Et violata senis Pici sua numina lingua.
Ilicet ardentes concepit fervidus iras ,
Et meritis fontes meditatur plectere poenis.
Humanum his corpus sedenim detraxit & ora ;
Tresque novas jussit volucres accedere sylvis.
Purpureæ Nisi nascuntur corpore plumæ ;
Quodque incendebat radiatas murice vestes
In pennis rutilat diversicoloribus aurum.
At non cessit amor nummi , truncisque repostas
Quærere pergit opes & robora figere rostro.
Ipsa quoque induitur plumoso tegmine Pica ,
Et varios alæ circum traxere colores.
Lingua loquax superest , & garrula copia fandi ,
Subdola mens , fallendi artes , & pristina furta.
At tu , Nise , leves veheris sublimis in auras
Præpetibus pennis ; tu nubibus ales ab altis ,
Ut solitum , sectaris aves , & ab æthere lapsum
Invasisse juvat prædas , & vivere rapto.



IDYLLIA.

I.

ALEXANDRO MORO

S. P. D.

PETRUS DANIEL HUETIUS.

Cum essem ante annum in *Hollandia*, tum primum notitia, nec multo post magna familiaritas inter nos fuit. Etsi autem nullo sequestro amibito, sed casu quodā suscepta hac amicitia est, ejusmodi tamen animorum conjunctio statim est consecuta, ut non recens nata illa, sed à multis retro annis conflata & confirmata credi posset. Neque enim ego ullā de te bene merendi occasionem pratermittere; neque tu ullis omnino officiis, quibus amicitia foveri & alipotes, deesse videbare. Meminero equidem, quoad vivam, quam amica me & sollicita ope istic cum adversa valetudine conflictantem sis prosecutus: quam falsis & Atticis jocos, omni lepore conditis, valentior me, sed fastidio, quod ex morbo contraxeram, adhuc laborantem, tanquam bellariis exceperis: quam cultis & eruditis carminibus, me jam pristinae sanitati restitutum, languidulum tamen, ad excutiendum veternum hunc, ad reponendum etiam provocaris. Fecissem id quidem, nec ingratis, nisi per temporis angustias (id quod tute scis) & occupationes stetisset, quibus tum misere distrahebar. Adduxisti tamen eo me, ut quod inter

negotia ne aggredi quidem poteram, illud ego in otio, quod nunc primum nactus sum, facturum me aliquando reciperem. Ab illo itaque tempore oppigneratam tibi fidem meam nunc tandem libero. Hoc unum pra me fero, eos quos ad te mitto versus, Latinos esse; & vel ipsa argumenti novitate futuros tibi non ingratos; atque adeo ad Lucretiani carminis normam fuisse exactos. Quod si me mea opinio, temere forsitan praecepta, ut sua quemque saepe numero, fallit, scito viros magnos Johannem Auratum, & Famianum Stradam, aggressos idem aliquando, turpiter se dedisse. Vale. Cadomi, ipsis Calendis Januariis, MDCLIV.

EPIPHORA.

Incerta Mnemosynæ soboles, ô nostra voluptas

Calliope, præstans animorum conciliatrix,

Quæ sensim fera corda lacis, quæ voce canora

Blanditum mulces hominum mortalia secla:

Tu me nascentem dias in luminis oras

Æterno complexa favore es, proque secuta;

Per te jucundam potui traducere vitam

Haftenus, haud Phœbi donis cantuque carentem:

Tu nostro curas pepulisti è corde sequaceis,

Et potuisti animi dubios componere fluctus.

En etiam nostris divinos incutis igneis,

O Dea, pectoribus; per summa pericula ductum

Quo postquam caput immiti subduximus orco,
Nunc alacres tandem & morbi languore soluti,
Carmine promamus longi tormenta doloris:
Carmine, quo magni quondam Lucretius orbis
Naturam, & cœli descripsit maximitatem.
Ergo his flexanimum dictis insperge leporem,
Permulcere mei quò cantu suaviloquenti,
Musæo & possim doctum contingere melle
Pectus Alexandri, quem tempus, Diva, per
omne

Omnibus instructum cumulasti prodiga donis.
At tu, More, cave, ne quæ disposta fideli
Mcœnera nostra tibi studio sunt, spreta relinquo;
Diversusve abeas, sint interlecta priusquam;
Ne te Calliope quoque dedignata relinquat.

Alter mensis hic est, ex quo sum nactus acutum;
Atque novum, notumque mihi non ante dolo-
rem.

At quo de genere hic morbus fuit, illud ego istis
Carminibus conor describere; protinus omni

A similis morbi causa ut caveat sibi, quisquis
Versibus advertet nostris animum, adque plicabit.

Versabar dum forte inter juvenesque, puellas-
que,

Ingentique animum devinctus volnere amoris

Quærebam quamam arte meam mihi conciliarem
Phyllida, detexi caput, ut volgo fit, & isto
Ornatu, mentis cœpi intima sensa profari.
Illa quidem nostris haudquaquam saxea dictis
Aurem præbebat facilem, mentemque benignam,
Responsisque etiam me dignabatur amicis.
At mea dum blanda delinit corda loquela,
Haud animadverti stillare ex æthere tetrum
Humorem, qualis crepera sub luce profundi
Sæpe solet, sera ostendit cum lumina Vesper.
Continuo humenti contactus frigore vertex,
Infestique algus læsum stringore cerebrum
Collectæ magnam fundit vim pituitai.
Quod genus in putri cum caudice prendimus olim
Tardigradam cochleam, domiportam, sanguine
cassam;
Illam si quis acus ferro transfigat acuto,
Angustas intra sese mox contrahit ædeis;
Interea deforme exit de vulnere virus,
Percussoris acum maculans, dextramque cruen-
tans.
Sic postquam admorsum est noctis cere frigoribus
brum,
Haud mora contrahitur; tum vero noxius humor
Expreslus, capitis per caulas diffluit omneis.

Pars etenim in fundum volvit se pectoris imum ,
Stringitur unde acri humectum raucedine guttur ,
Unde & languentes artus quatit improba tussis.
Pars stomachum diversa petit , rivosque fluentes
Excipit ingluvies , atque hic demum coacescunt ,
Et gignunt non parvum corrumpendo dolorem.
Hujus at humoris pars effluit altera apertis
Naribus , in mucum & turpem resoluta coryzam ;
Atque nisi immundas nares sudaria tergant ,
Scilicet assiduo decurrat flumine mucus.
Quin etiam pituitæ se colligit hujus
Particula , & refugit suetos aversa meatus ;
Insolitamque viam tentat , gaudetque remotas
Indugredi capitis partes : tum inclusa cavernis
Verticis , emitti nulla ratione potestur ,
Sed potius latebris intus comprehensa tenet se.
His animadversis , nunc rem describere pergam ;
Illo quo nuper mihi contigit ordine. Totum
Postquam traduxi languens ex rheumate men-
sem ;

Tetraque replerunt pituitæ flumina pectus ;
Ter denosque dies de naribu' , deque cerebro
Humor profluxit ; nec longum tempus , & ingens
Dimidii capitis dolor ingruit , haud secus atque
Si foret in cerebrum mihi forte impacta securis

Vi magna; ratus hunc sum scilicet esse dolorem;
Quem missi gignunt alvi de fæce vapores.
Ast erat à vera longe hoc ratione repulsum,
Et me animus fallebat; enim nonnulla vacivos
Pars erat illius humoris nacta recessus,
Membranas inter cerebri, & dextrum inter ocel-
lum.

Naviter at clausus cum omnis foret exitus eji;
Ipsam sese oculum intra aggressa erat insinuare.
Tum proporro, essent quasi magna percita plaga;
Lumina turgebant circum suffusa rubore
Sanguineo, lacrymisque perennibus ora rigabant:
Alterius sed enim morbus communis utrique est.
Adde quod incerto tentari membra rigore
Experiebar, & alternis me pallida febris
Frigore torrebat languentem, aut igne coquebat.
Hinc factum ut deformaret liventia lutor,
Et tristis circum macies obduceret ora.
Ergo convenio medicum: Quæ pocula sumam?
An pilula, an nostram mittetur bolus in alvum;
Quæ magnum possit capitis sedare dolorem,
O Asclepiade, lacrymasque abstergat ocellis?
Hæc ego; tum medicus contra sic farier infit;
O Juvenis, prima novisse ab origine morbi
Illius causam, non intermissa Galeni

Leetio, & Hippocratis multos versata per annos
Pagina Phœbigenæ, experientiaque ipsa, dedere.
Hæc ille, & morbi causas memorabat easdem,
Carminibus quas nos paulo descripsimus ante.
Ergo has aggreditur certa expugnare medela.
Nam plantagineis albumina diluit undis
Ovorum; hinc porro cataplasmata frigida fiunt;
Quæ possint oculis humorem avertere tetrum.
Femina præterea, quæ partum enixa recenter
Esset masculine, quæque esset nigra capillis,
Deligitur, nostrumque petit delecta cubile;
Distento huic candens ex ubere lacteus humor
Funditur, hoc insertim turgida lumina mulcet;
Protinus ut tali tactu recreata valescant.
Quin etiam fluvios inter, pigrasque paludeis,
Quæritur informis, sitiensque cruoris hirudo,
Anguineum genus; hæc postquam deprensa te-
netur,
Temporibus nostris adponitur, adque plicatur
Ægros circum oculos; tum dente admordet a-
cuto
Pelliculam, impurumque avido sanguinem bibit ore;
Sanguinis inque locum protelo impellitur humor
Noxius, inde avidi mox anguis viscera complet.
Quod superest, humeris ventosa cucurbita nostris

Imposita est , ardens fax intro est condita post-
quam

Cerea: desubito protractæ grandia carnis

Augmina turserunt ; caro porro hæc sanguine
mixtum

Continuo humorem tetrum de vertice traxit.

Diditur hic alias postilla in corpori' parteis ;

Hunc ubi dis natura superat deinde , & facit are.

Arte vacefactum est ægrum postquam caput illa ;

Scilicet ardoris violenti pausa secuta est ,

Prisca valetudo rediit , tristisque gravedo

Abscessit capiti , languentibus ægor ocellis.

Denique convalui auxilio medicaminis hujus ;

Quod quondam , ut perhibent , solers tum rep-
perit usus ,

Cum primum varias agitando extunderet arteis.

Hoc pacto matrem naturam ars filia vicit.

At vos , queis inter suetum est sæpe esse puellas ;

Hoc , Juvenes , sapite exemplo , & me discite
talem

Intempestivi obsequii solvisse luelam.



I I.

AD CAROLUM SANCTAMAUREUM,

D U C E M

MONTAUSERIUM,

SERENISSIMI DELPHINI

INSTITUTIONI PRÆFECTUM.

*A*ncipitis Jani reduces venerè Calenda :*Per medias fervent munera missa vias.**Nos tibi, MONTOSIDE, nostris decus addite rebus,**Offerimus purum, munera parva, Salem.**Tu facili cape dona manu; tenuis quoque magnos**Mica salis fertur pacificasse Deos.**Sic tibi se docilem præstet regalis alumnus,**Attentaque tuos combibat aure sales.*

S A L.

*A*B Sale principium rebus, salis omnia plena,
Æquoraque, & tellus ingens, atque hu-
*midus aër.**Nam queis occultas naturæ accedere partes**D*

Est labor, & cæcis dissolvere corpora flammis;
Inque suum partes rursus componere corpus,
Terna subesse ferunt mistis primordia rebus,
Mercurii liquidos latices, & sulfura viva,
Fecundosque sales. Oculis variata colores
Sulfura subjiciunt, flammisque alimenta minis-
trant:

Mobilis in crassam distendit singula molem
Corpora Mercurius: firma compage revinxit
Vis salis, incerto fluere ne turbida lapsu.
Divite sal etiam dispersit provida dextra,
Cum varios primum rebus natura sapes
Adderet, & nostris condiret fercula mensis.
Sal adeo est quodcunque sapit, quodcunque pala-
tum

Afficit; expressum seu pingui ab arundine sac-
char,

Collectumve jugis nectar florentis Hymetti
Affluat ad molles blanda dulcedine sensus;
Absinthii sive ora gravis contristet amaror.

At genus haud unum salis est: sal fossile terra
Eruitur; puteis liquidum sal manat ab altis;
In sal spumantes concrescunt æquoris undæ,
Aut cum suppositis fervereunt ignibus, aut cum
Littoreæ rapido siccantur sole lacunæ.

Sal Ammoniacas inter succreſſit arenas:
Sal injecta facit carbonibus unda columnis:
Sal quoque in immenſas procero vertice moles
Tollitur; exciſis falſa de rupe columnis
Condit Arabs ſolidas Euphratis ad oſtia turres:
Præterea geminum ſal deprendere Magiſtri
Rebus inhæreſcens; nativa hoc mole deorſum
Vergit, at in tenues illud flamma evehit auras.
Denique conferto rubrum ſale conſtat alumen,
Calchantumque virens ſutoribus utile, nec non
Eſtoſſum Parii nitrum tellure Canopi,
Et quæ plura meo non eſt comprehendere verſu.
Viſ ſalibus genitalis ineſt, vivosque calores
Segnibus in Venerem dant ſaſſamenta maritis.
Hinc ad res Veneris pronos dixere ſalaces.
Ipsa Venus quippe orta ſalo eſt, emerſaque falſis
Fluctibus, aurata vehitur ſuper æquora concha.
Ergo ſalis quondam geniales reſpuit eſus
Turba Parætoniæ ſacris operata Juvenciæ.
Sal fortunatas largo beat ubere terras,
Arvaque reſpondent avidis ſale fœta colonis:
Quod ſimul exceſſit gremio telluris amicæ;
Fluctibus elutum crebris, atque ignibus hauſtum,
Languescunt glebæ ſteriles, viduataque tellus
Tristi pigra jacet ſenio, & ſal mœret ademptum.

Ast inopem summa miseratus Juppiter arce
Optatum effæto sensim sal corpore miscet.
Tum recreata novo turget prægnans sale tellus.
Hinc vegetum plantis robur venit, inde feraces
Concipiunt succos, & pingua pabula sylvæ,
Et tandem lætis onerat se fructibus arbos,
Atque insperatas messes miratur arator.
Ipse fovens molles clausis præsepibus agnos,
Matribus upilio sparsas sale præbuit herbas;
Præbuit, atque nova vidit pinguedine lætos
In spem lanigeræ fœtus adolescere gentis,
Plenaque spumanti retulit mulæralia lacte.
Salsa ministratur fugientibus esca columbis:
Hinc redit ætus amor patriæ, campisque relictis
Spreta coloratæ revolant ad tecta volucres.
Quod nisi quæsitæ lauta ad convivia carnes
Rerum serva memor salugine maceret acri;
Æstus, & humentis flatus vitiaverit Austri.
Sal quippe integrum servat post ultima corpus
Funera, restringens in tabem deflua membra.
Esse datam immundis animam quoque pro sale
porcis

Scite Chrysippus docuit. Sale fictile vitrum
Cogitur: accensis Venetûm fornacibus ardens
Crystallus sale concrescit; liquefactaque saxa,

Et fusos cineres dono salis excoquit ignis.
Fœda novo labes si forte inolevit amictu,
Vi salis eluitur; sordes velamina ponunt,
Et sale in antiquum fulgent reparata nitorem.
Non alia pollet vi pravæ terra Cimoli,
Quæque Brigantino petitur de vertice creta,
Priscave Tymphaicum celebrat quod Græcia
gypsum,
Et sapo, & fœdas purgant quæ smegmata vestes.
Quid duram glaciem, pressique coagula lactis
Commemorem, salibus tantum constricta refu-
sis?
Quid vesco sale perfossas in littore cautes?
Pulsa fames, & amor salibus revocatur edendi;
Obtusoque abeunt fastidia longa palato.
Sal Superis gratum, Superùm sale frangitur ira,
Et parco sale lustralis contingitur unda.
Ipse puer sacros subiturus vertice fontes
Rite pio sal sincerum prius excipit ore.
Olim etiam festas Divùm stans victima ad aras,
Et tinctura sacros effuso sanguine cultros,
Candenti saltas fruges cervice recepit.
Et segeti metuens micæ salientis honorem,
Farraque frugiferæ Cereri dedit horna colonus,
Signatur salibus princeps sapientia puris.

Explorat dubios longus salis esus amicos :
Toto etiam voluit quondam tentare medimno
Lælius , optasset si quem sibi cautus amicum.
Inde fit ut lætis effundens lucida mensis
Concha sales positos , tristes prænuntiet iras ;
Occultosque dolos , cæcasque tumescere lites.
Temporibus sale constabant stipendia priscis :
Hinc & perpetuum meruere salaria nomen.
Priscæ Romulidum plebi , sanctoque Senatu
Munera grata salis donavit Marcius Ancus ;
Primus & instituit populo gaudente salinas.
Cara annona salis : magna mercede coemptum
Sal fiscum gaza regalem ditat opima :
Provenit haud terris sedenim præstantius ullis ;
Quam quod Santonici collectum ad littoris oram
Usque peregrinæ referunt trans æquora puppes.
Denique non nostros commendat gratia mores ,
Ni fuerint tincti salibus ; frigemus inepti ,
Nullus honos , nulla ingrato sermone venustas ;
Aversæ fugiunt Charites , Venus ipsa faceffit ,
Et formosa suum præcludit Nympha cubile.
Adde sales verbis , ô non indocte Poeta ,
Si quis mansuro speras de carmine famam.
Sed nostra hoc tandem consistat limite Musa ,
Ne forte insulsum pariat fastidia carmen.

III.

AD JOHANNEM CAPELANUM.

DUlcia nobilibus dum dividis otia curis,
Claraque magnanima committis facta Puella
Postera mansuris quondam per sacula chartis,
Et numeris divinum aquas, CAPELANE, Maro-
nem :

Hic ego deductum meditor tibi dicere carmen,
Et longam sermone viam narrare pedestri;
Hinc porro majora parans, & versibus olim
Inde aliis, aliisque, tuos dicturus honores.
Contractam facilis nunc ergo exporrige frontem,
Si magnis animum fas est avertere rebus;
Hibernisque procul subiecta Trionibus arva
Decurre, & mecum casus evolve marinos,
Quem me olim primo pubescens flore juvenus
Fastidatū implicuit, propius spectare volentem
Didita CHRISTINÆ variis miracula terris:
CHRISTINÆ, quæ tum sceptro spectabilis aureo
Ibat, & attentis dicebat jura Suecis;
At nunc sceptrā super, fragilesque evecta coronas,
Ardua magnorum superat fastigia Regum.

ITER SUECICUM.

E Gressum Cadomo primum me Diva recepit.
Honflorium tendo hinc : ægrum lectica fe-
rebat ,

Lecticam manni : quorum hic pravo pede fultus
Dum titubat , mediis effusum exponit arenis.

Tum pransi lembo ferimur , serique subimus
Urbem Francisci Regis de nomine dictam.

Hic expectantes dum pontus & aura faverent ,
Otia consumunt miseros , nec tædia possunt ,

Aut arx , aut validi spectando fallere muri.

Undecima tandem panduntur carbasa luce :

Ridentur comites , quos nausea crebra fatigat ,

Non ego ; jejuni nam vix depellere ventris

Salsa carne famem possum , vel pane recocto.

Vicina interea nobis dum ripa propinquat

Caletum , geminas Anglorum è littore puppes

Prospicimus plenis ad nos contendere velis.

Obstupuit navis rector de gente Batava ;

Arma huc , arma , Viri , inclamat , tormenta pa-
rentur ,

Vela legant nautæ , belli det buccina signum.

Ô quam me tantis stolidum objecisse periclis

Pœnituit !

Pœnituit ! scabrum accingor rubigine ferrum ,
Spem simulans , tacitum condens sub corde do-
lorem.

Ut propiùs venêre Angli , de puppe magister
Compellat nostros : Unde , & quo ? Cuncta pe-
tenti

Ordine rettulimus ; conversa is vela retorfit.

Navim quarta dies Zelandis appulit oris ;

Præbuit optatos venienti Veria portus.

Hinc Middelburgum rapimur , sed postera rursus
Nos pelago lux commisit ; tua mœnia læti ,

Dordrectum , intramus , quibus infestos procul
hostes

Et Mosa & Vahalıs revolutis fluctibus arcent.

Æneus ad Roteram mihi post spectatur Erasmus :

Tum Delphi , & Delphis monumenta insignia
gentis

Nassaviæ. Tectum Leidæ dein præbuit hospes.

Grata sequens multum nobis aurora virorum

Primos nosse dedit , Phœbi qui sacra frequentant ,

Heinsiusden , & Salmasium , duo maxima Pindi

Lumina : tum medicum mihi cernitur Amphi-
theatrum ,

Bibliotheca , Hortus peregrinis confitus herbis ;

Et quæ multa solet lentus spectare viator.

Visitur hinc nobis prælorum Harlema repertrix ;
Et Pelusiaco ferratæ in littore classis.
Amstelodamensi demum succedimus urbi.
Occurrunt læto testantes gaudia vultu
Unanimes focii , Bochartus , Vossius , atque
Complures alii , (tacitos quos Musa relinquit)
Extremos una cupidi lustrare Suëcos.
Suave extra patriam veteris complexus amici.
Altera lux spectare dedit mysteria gentis
Judææ ; ductor Judæus & ipse Manasses.
Ast adducta secans dirus præputia culter
Dum tenet attentum , & sublatis infania ritus ,
Ecce abaci , quo inferre pii cœlestia Mosis
Scripta solent , summo extremum limbum pede
tango
Inscius ; insueto cuncti fremuere tumultu :
Diffugio veritus damnosæ vulnera cultri.
Inde Ultrajectum petimus ; Schurmannia nobis
Anna salutatur , muliebris gloria sexus.
Artis opus miror varium , quod mente sagaci ,
Aut manibus doctis virgo ingeniosa paravit.
Hinc discedentes excepit paupere tecto ,
Et paleam fessis Elspettum præbuit hornam ;
Rusticaque ilignas onerarunt fercula lances.
Carpimus inde viam Suyollæ ad mœnia , l ongos

Hic ubi Kempensis sancte traduxerat annos ;
Nunc etiam extincti vivit quoque fama superstes ,
Mox Hardenbergam fera sub nocte venimus :
Ridetur nobis veteri mos ductus ab ævo.
Quippe ubi deligitur revoluta tempore Consul ,
Barbati circa mensam statuuntur acernam ,
Hispidaque imponunt attenti menta Quirites :
Porrigitur series barbarum desuper ingens.
Bestia , pes , mordax , sueta inter crescere sordes ;
Ponitur in medio ; tum cujus , numine Divûm ,
Barbam adiit , festo huic gratantur murmure Pa-
tres ,

[Atque celebratur subjecta per oppida Consul.
Proxima Vespalthæ pergentibus arva tenentur :
Gens procera , aliis toto capite altior extat ;
Ætnæis olim dicas è fratribus ortam.
Ingens huc peregre venientes excipit aula ,
Ignis ubi in medio ; circum capræque , bovesque ;
Immundique sues , & non sine matribus agni ;
Et pater , & fusi passim cum conjuge nati.
Si vitam hanc mortale genus regnante trahebat
Saturno , ut perhibent , placeant mihi ferrea se-
cla.

Hic steriles campi , atque humiles ingrata my-
ricas ,

Innumeris tellus fert dulcia pabula porcis ;
 Quos neque vel torrere veru , aut ferventibus ollis
 Incoquere , at summi suspensos fornice tecti ,
 Aëre ficcatos , fumo durare suævi
 Simplicibus totos gaudent imponere mensis.
 Hinc procul attollit turritum Brema cacumen ;
 Erigimur studio , claramque adipiscimur urbem.
 Continuò lassus consterni mando cubile :
 Plumea subjecta est mihi culcitra , culcitra rursus
 Est injecta super ; nec longum tempus , & ingens
 Prorumpit toto fusus de corpore sudor ,
 Nec potui dulces tali sub tegmine somnos
 Ducere ; nox infesta mihi prorsus fuit illa.
 Orta dies demum est dilectæ nigra catellæ :
 Præcipiti nam decursu dum currus arenis
 Volvitur in planis , oblitit curva morantem
 Hanc rota ; sed calido per noctem infossa fimo
 to ,
 Et saturata oleo , priscum est indepta vigorem.
 Hospitium nobis dein Septem-claustra dederunt ;
 Virginibus quondam sanctis florens domus ; at
 nunc
 Porticibus vacuis de multis quinque supersunt ,
 Collapsæque ruunt ædes , ac limina Divûm ,
 Postquam Lutherus nova sacra his intulit oris.

Proh , quæ Boxthudæ nos dein fortuna manebat !
Hic matrona potens , pulcra comitata puella ,
Occurrit : miles formosa in virgine fixus
Usque premit latus , & passim sectatur euntem.
Hanc dum Bochartus prisca cum matre salutat ,
Festivisque avidas implet sermonibus aures ,
Incensus miles , venasque inflatus Iaccho ,
Ut solitum , insontem Bochartum ad prælia pos-
cit ,
Et vix composito junxerunt fœdere dextras.
Orta luce vagum cymba prætervehor Albim ,
Hamburgique alacris tandem vestigia figo.
Hic picturatos in vestimenta tapetas
Induitur populus ; camposque , urbesque videres
Instratis gestari humeris : Junonius ales
Talia non varia pandit spectacula cauda ,
Nec tot in imbrifera pinguntur nube colores.
Hinc languens recta Slesvici ad mœnia tendo ;
Archaicos ægro sternit Gottorpia lectos.
Bis senas luces me detinuere volentem
Illic antiqua signata volumina dextra ,
Et longis splendens cellis pretiosa supellex ;
Barbaraque emensus Persarum Olearius arva ;
Atque frequens mihi Cimbrorum cum Principe
sermo.

Hinc pene egressis cari præcordia bilis
Invasit focii ; verùm Haderslevia crebro
Sanatum vomitu vidit sub lumina prima.
Balthica jamque suos ostendunt æquora fluctus :
Provehimur pelago , & Cimbrorum linquimus o-
ras.

Haud procul in tumido apparet Fionia ponto ;
Pingue solum exupero , frigentique imbre ma-
dentem

Excepit mediis fundata Otthonia terris.
At dum clausa tenet per noctem lumina somnus ;
Subripuit nostras gens insidiosa lacernas :
Digredior tristis , pluvioque obnoxius Austro.
Niburgo possumus nocturni , ubi regia pellex
Clausa latet tenebris , & cæco carcere , postquam
Lurida regali contrivit toxica mensæ ;
Dignior infami tetro pro crimine morte ;
Est in conspectu dives Zelandia contra
Insula ; nos illuc ventis & remige puppis
Acta vehens , vix subduxit venientibus Euris ;
Alteraque ad scopulos pene est illisa latentes
Pone sequens : canas illic Meleagrides alas
Pandunt , insuetumque canes dant gutture mur-
mur.

Illic corporibus videas permista luporum

Robore ferali pendentia corpora furum ;
 Quam multa autumnno pendent ex arbore mala.
 Infixos trabibus subter mirabere cultros
 Ægrorum manibus , quos olim stipite si qui
 Incauti rapient , languentum corpore morbus
 Cedet , si qua fides , rapientum in viscera serpet.
 Obvia currentes sistit Roschildia , condens
 Marmoreis tumulis Danorum corpora Regum.
 Protinus excelsis spectabilis Hafnia muris
 Surgentem ostentat turrim super æthera , cuius
 Aërium possit currus superare cacumen ,
 Acclivi ascensu , non structis ordine scalis.
 Admissis ferimur bigis , curruque citato ,
 Atque in regifica lassī consedimus urbe.
 Postquam membra quies recreavit , proxima

Regem

Visere cura fuit ; spatiosa sistor in aula ;
 Utque parum visu valeo , specularia promo ;
 Et Regem vitreis prospectans orbibus utor.
 Haud tulit hanc speciem Princeps , mihi jamque
 parabat

Vincula bile tumens ; fugio , portusque relinquo.
 Fluctibus in mediis angusta occurrit Huena ,
 Astris sacra olim , & cœlestibus inclyta curis ;
 Nunc pisces tantum solers captare marinos.

Huc feror , & viridi superato colle , Tychonis
Dilapsas ædes veneror , pretiosaque fletu
Rudera conspergo , & rursus do carbasa ventis.
In medio exoritur tempestas turbida cursu.
Horremus pavidi ; vixque uvida membra quieto
Excipiens tandem fovet Helsenuria portu.
Æquoreo me subductum fortuna periclo
Pene alio merfit ; nam dum munimina spectans
Cronemburgi obeo , fossam prope labor in imam.
Quàm varii impendent peregrinis undique casus !
Tranquillam in patria potuit qui ducere vitam ,
Liquerit hic dulces numquam me autore penates.
Inde sinum vento frustra luctante Codanum
Trajicimus : nobis apponit sedulus hospes
Salgama sparsa croco ; Gothico hæc sapit esca pa-
lato :

Tum zytho , atque ovis incoctas oggerit offas ,
Et vino , atque uvis siccat quas clara Corinthus ;
Et crustis pilo tunsis , & olentibus herbis :
Incretum his piper acre , & odorum caryophyl-
lum ,
Et coriandra simul , tum zinziber , atque sinapi ;
Sacchar , mella , oleum , marathrum , flavumque
butyrum.

Non alias Hecaten atris sub sedibus Orci

Crediderim libasse dapes ; tristisque noverca
Non alios miscet privigni in funera succos.
Ergo venenatas impransi liquimus escas.
Nocturni ire viam perreximus , atque diurni.
Pulvereos solvit valida Helmæstadia currus.
Inde referre pedem , patriaſque reviſere terras
Cogitur , & flentes ultro amplexatus amicos
Voſſius abſcedit ; ſic litera miſſa jubebat.
Ingredimur crebra nigrantes abiete ſilvas ,
Viſigothis notas ſedes ; ſicientibus illi
Hydromeli apponunt , & piſtam rite farinam
Exiguo ſale contingunt , parcoque cumino ,
Appenſam fumi durant , ac lumina ſolis.
Hanc fruſtra impacto tentaris cædere cultro ;
Viribus at durum tuditem ſuper incute totis.
Scanduntur cellæ rupes , Smalandica terra ,
Vetterique lacûs ſinuolum littus obimus.
Dat nobis illic ſervus riſuſque , jocoſque ;
Dum ſummo curru ſtans , nocturnoque galero
Teſtus , Davidicos attentus concinit hymnos ,
Arguti numeris conſtriſtos arte Maroti ,
Claudini & rauco corrumpit gutture cantus.
Mox datur Oſtrogothûm ſcabros attingere fines.
Aſpera gens victu , pelles induta ferinas ;
Membra ſitu livent , & aduſti frigore vultus ;

Præcingunt matrum villosæ tempora mitræ;
Vectores illic succussant stridula plaustra.
Dant requiem longis constructa mapalia truncis;
Constratum viridi florescit cespite culmen,
Quo pastum teneræ scandunt de more bidentes.
Desuper admittunt angusta foramina lucem,
Haud secus ac, Romæ tenuit quas Terminus, æ-
des.

Quinquaginta intus lecti, queis sternitur hospes,
Et pater, & conjux, positique in stramine vernæ.
Hinc loti egressus causa sub nocte silenti,
Regredior, primumque ratus subiisse cubile,
Quo socius molli laxabat membra quiete,
Altum proflanti vetulæ de pectore somnum
Inscius accubui, laterique jacentis adhæsi.
O quales movit veniens aurora cachinnos!
Dant gratam ingentes pinus abeuntibus umbram;
Tum nos Lincopiæ nox opprimit; Olaus illinc,
Et Magnus Magno est ortus cum fratre Johan-
nes.

Norcopiam tendunt currus; hîc ærea lamna
Cuditur, hîc grandem signant ex ære monetam;
Longaque deductum tenuant in fila orichalcum.
Illa merce premens externus navita puppes,
In patrias quæsitâ refert compendia terras.

Proxima Nicopiæ statio, gratissima sedes
Matris Reginae, postquam est orbata marito,
Carpitur atque illic tristi Leonora senecta.
Hinc fit per scopulos gradientibus obvia Telga,
Urbs præclara olim, piceis nunc ignibus hausta.
Rangifer hîc stabulis borealis clausa tenetur
Bestia; multiplici sublimia tempora cornu
Vallantur; similis vivaci cætera cervo.
Concretis glacie lacubus, campisque nivosis
Illa trahas rapit, & volucres prævertitur Euros.
Pruteno huc quidam veniens de littore, vino
Invitos torfit, crebris urfitque culullis;
Me pene incautum vicit vis subdola Bacchi.
Imposuit longis erroribus Holmia finem.





EPISTOLÆ.

I.

AD ÆGIDIUM MENAGIUM.

*Hominum iudicia nullius esse momenti, tum Poëta
ipsius experiëntiâ, tum brevi fabulâ ostenditur.*

Prolixam tibi, MENAGI jucunde, salutem
Mittit HUETIADES, ægro vix corpore
firmus,

Multò mente minùs validus, longaque peresus
Tristitia, & vigiles volvens sub pectore curas.

Addictum sedenim Musis invisa fatigant,
Atque animos alio conferre negotia cogunt;
Sollicitudine districtum, & mœrore sequaci.
Præterea (me quippe dolor non unicus angit)
Seu juvet ingenuas animum exercere per artes;
Seu genium placare parem, rarisque diebus
Parca verecundo celebrem convivia Baccho;
Noxia seu priscae recolens contagia vitæ
Certum cautus iter, meliori fœdere, carpo;

Esse domi seu pertæsum est, cupidusque jacentes
Visere fert animus longe trans æquora terras;
Quidquid ago, obscœnis insons ludibria linguis
Debeo, & infesto me dente calumnia mordet.

Naturæ quippe auspiciis prout quisque secutus
Optatis fertur studiis, aliena reprendit,
Inensusque palam reliquis, se amplectitur unum.
Civica nam queis jura placent & opella forensis,
Militem spernunt; contra qui Martia tractant
Arma, fori strepitus & longa negotia damnant.
Qui Phœbum, Musasque colit (qualem esse li-
benter

Me dederim) summa surgens de luce, disertis
Immoritur libris, ac cætera ridet ineptus.

Urbanum civem & nitidum vir rusticus odit;
Agrestem urbanus stivam ac rus garrit olere.

Quin etiam meretrice nepos insanus amica,
Tetra hominum vibex, & magnum dedecus;
audet

Ipsæ probare suos, aliorum carpere mores.

Vos mala, M E N A G I, nequaquam talia tan-
gunt,

Ampla Parisiacæ colitis qui mœnia gentis.

Illic sponte sua sedenim, propriumque secutus
Arbitrium se quisque regit, nec commoda livor

Limat transversis oculis , vel dente venenat :
Illic quisque suas attendit sedulus ad res ,
Negligit alterius : tum si quem forte negoti
Aut hominum cepit satias , sese ille remotis
Occultare potest vicis , nec cognitus ulli
Ducere præteritæ quæ sita obliviam vitæ.

Atque utinam tali nos munere fata beassent ;
Urbis Cæsareæ cives , Cadmique nepotes ,
Possemus fungi officiis , componere curas
Ad libitum , nec scurrilis convitia linguæ ,
Aut duri virgam censoris ferre superbam :
Hæc mihi præ cunctis fuerit gratissima tellus :
Quæ quoniam non fata sinunt , nec primitus atris
Mentibus impactas fas est dispellere sordes ,
Has liceat saltem misera proferre querelas
Conditione super. Tu nostrum commodus audi ;
Atque dole (sic Dî tibi dent optata) dolorem.
Prima tribus lustris mihi nondum adoleverat

ætas ,

Plagosi nec jam metuebam sceptrum magistri :
Inde mihi Virtus , illinc damnosa Voluptas
Adstiterunt , quales in primo limine vitæ
Viderat Alcides , Cui stat si qua Sophistæ
Usque fides dictis. Ego magna exempla secutus ;
Sperno Voluptatem , austeram Virtutem petita ,

Informo rebus generosum pectus honestis ,
Intendo mentem studiis , antiqua revolve
Romanis simul , & dictata volumina Grajis ,
Continuans lucem tenebris , lucique tenebras :
Immenso studio fallebat dulce labores.
Optime MENAGI , quosnam mihi carpere fructus
Hinc licuisse putas ? pulcri quæ gratia facti ?
Fabula Cadmæis decantatissima scurris
Nempe fui ; helleboro caput hic purgare meraco
Me jubet ; ille faceta dicax ænigmata solvi
Postulat , & miserum quæsitis ludit ineptis.
At me parte alia secreto convenit alter ,
Vir bonus , atque meo qui dulces gesserat olim
Cum patre amicitias ; is tristi serius ore ,
Quid tibi vis , ait , ô juvenum stultissime ? quor-
sum

Insanam hanc molem librorum infanior ipse
Congeris , & primos incastum conteris annos ?
An cariola legens veterum monumenta , putas
rem

Crescere posse tibi ? num sic eris utilis urbi ?
Utilis & consanguineis ? concinnus amicis ?
Maestam dote tibi contingere reris opima
Squallenti uxorem , & librorum pulvere foedo ?
Non ita ; te chartis attentum invadet egestas ,

Ludibrium scurris fies , & mœror amicis:
Ergo age , dumque licet , sanam catus indue men-
tem ;

In lucem prodi , paribus colludere gesti ;
Nec minus augenda festines strenuus in re.
Nummatas sapiens ultro sectare puellas ,
Obsequio , cultuque oris , pexoque capillo ,
Et viduas grato locupletes munere capta.
Sic ait , attonitumque novo sermone reliquit ;
Haud aliter nudo quam qui pede prefferit anguem.
Nam quid ad hæc rerum vix ullo providus usu
Sensisset puer ? imperium fero credulus , & mox
Dulcibus abjungor Musis ; mihi prima voluptas
In medios dormire dies , & odoribus ungi
Cæsariem , & vestes variatis pingere vittis ;
Cessatumque inter formosas ire puellas.

Vix mihi per spatium vita hæc est acta bimestre ;
Accurrunt ad me noti , fidique sodales ;
Tu , MOTTÆE , venis , qui Phœbo deditus olim
Atque cliens Musis , primus nunc jura sacerdos
Cadmææ Themidis (sic Dî voluêre) gubernas :
Tu , PALMERI , aderas , quo non præstantior
alter ,

Et Martis tractare enses , calamosque Minervæ.
Venisti , ô gaza differtum pectus opima ,

BOCHARTE, ætates mentem versate per omnes,
Perque omnes populos: venisti, docte BRIOSI,
Tempora Phœbea circum redimite corona:
Venisti, SAVARI, quo versu sacra Dianæ
Dicere nulla olim meliorem protulit ætas,
Nulla vel in feris olim quoque proferet annis:
Tu reliquos venisti inter fidissimus omnes,
Candide PRÆMONTI, nostri pars maxima quon-
dam,
Nunc ingens desiderium, te funere postquam
Edomitum crudo rapuit vis improba lethi:
Affuit & mutas agitans VICMANNIUS artes,
Judicio prudens, mente acer, pectore purus:
Affuit ante alios ingens MAMBRUNIUS omnes,
Qui me tunc monitis juvenem formabat amicis,
Calliopes præcepta sagax, sanctique labores
Flaviadæ retro venturis prodere seclis.
Is me præ reliquis pudibundum incessit amaris
Opprobriis, vitæ noxas & crimina ponit
Ante oculos, priscum rectique inspirat amorem.
Siccine, dicebat, dudum præclara minatus,
In vitium te ferre paras, virtute relicta?
Num tibi desidiæ cordi, nugæque dolosæ?
Ergo potes cessator, iners, contemptor honesti,
Ludere discinctos inter, pars magna, nepotes,

Et turpi, oblitus meliora, litare Vacunæ?

At non hæc de te dederas promissa, juventam
Nobilibus Phœbi statuens consumere curis.

Quod si non omnis cecidit de pectore virtus,
Excute mollitiem, & vitæ te redde priori.

Dicenti hæc aderat blandus convictor, amicus
Integer, interpretis veteris doctissimus ævi,

Æmulus ille Ovidi laudum, magnique Maronis;

Et quo regali Cadomum Doctore superbit,

HALLÆUS; nostra hic alia de parte reprendens

Flagitia, ultrici meritum perfudit aceto.

Haud tulit incussum mens non obtusa pudor
rem;

Erubui, & priscas animo conversus ad artes;

Sedulus amissum satago sarcire labore

Tempus, & ignavæ reparo dispendia vitæ.

Tum vero indoctæ redeunt convitia gentis,

Nec sævo vulgus me rodere dente malignum

Tempore ab hoc usquam cessat. Pater alme le-
porum,

Si vacat à priscis paulum requiescere chartis;

Rem non dissimilem, nec longa est fabula, disce:

Forte senex, nato quondam comitatus, asellum

Ibat agens; aberat vacuo omnis sarcina dorso;

Quando præteriens quidam non notus, Ineptos,

Exclamat, pulcrum quibus est sic parcere on-
gro !

Audiit, assensitque senex; conscendit in armos
Ipse prior, lumbis puer infidet, atque ita pergunt:
Vixque viæ paulum confectum erat, obuius alter
Occurrens, Pecudi cur ilia rumpitis? inquit,
Ægre animam trahit, & jamjam sub pondere
fessa

Decidet. Id metuens, asinum miseratus onustum;
Ire senex natum peditem jubet, ipse superstat.

Tertius adveniens, Ne sic tua commoda captes;
Dure senex, ast ætatis miserere tenellæ.

Protinus accipiens convitia sæva benigne,
Paruit, exiliitque bonus, sudore fluentem

Apprendit puerum, pecudisque imponit in armos;
Ipse sequebatur, costasque dolabat aselli.

Ad primum lapidem venit alter naris adunca;

Hercule non pecudis tibi sunt cædenda flagello

Tergora, vir bone, sed pueri, qui vectus asello

Pergit, & effœtum pedibus finit ire parentem.

Talibus at placidi verbis patientia tandem

Læsa senis, veras jussit depromere voces:

Pol miser est hominum quisquis convitia curat:

Quo pede cœpisti, hoc securus pergere discas.

I I.

AD ANTONIUM HALLÆUM

P R O F E S S. R E G.

Excusat se à pangendis carminibus.

Quid resides, HALLÆE, vocas ad carmina
Musas ?

Quid mihi neglectam longo jam tempore suades
Sollicitare chelyn, nostrisque impervia plantis
Scandere Parnassi dubio fastigia gressu?

Hoc ego si precibus cedens, & multa roganti

Hallæo faciam, nec me dignoscat Apollo,

Nec probet haud ullo digestos ordine versus.

Non adeo ipse mei sum nunc oblitus, ut ægra

Carmina, & excultis ausim inficianda Camœnis

Promere, quæ nec te fuerint sub iudice tuta.

Quod si me quondam temerarius impulit error

Ad sacros latices, bifidique cacumina montis;

Si densas propter lauros Permesside lymphe

Ebrius, Aonios ivi sine lege per agros;

Ausus & æterna frontem vincire corona;

Sat fuerit nimiumque, semel peccasse; sed ultra

Non excusabit nova crimina pristinus error,

C A R M I N A.

Ergo quod vitæ superest, ignobilis otî
Florebit studiis : me non orchestra canentem
Excipiet, nec compositos sudante cerebro
Narrantem versus ridebit vulgus ineptum.

I I I.

AD ALEXANDRUM MORUM.

EXTEMPORALIS RESPONSIO.

JAm pridem resides nostro sub pectore flammæ,
Divina Phœbi munera,
Dilapsamque facem in cineres, Calatea decoris
Quam populis succenderat,
Carminibus, suavi quæ condit Musa lepore,
Venuſte M O R E, ſuscitas,
Qualia non cecinit Naſo, molliſve Catullus;
Noſterve Flaccus carmina.
O, quàm te Phœbo acceptum, facilique Thaliæ;
Quàm te beatum prædicem,
Qui ſic languentem potis es recreare ſodalem;
Qui ſic ſocari cum libet!
Me verò Origenis carioſa volumina torquent;
Et lenta febris excoquit.

Quod nisi sub tiliis tecum garrivero nostris

Hac luce Lunæ proxima,

Illicet & fato concedere luce sequenti,

Amice, concupiverim.





ELEGIÆ.

I.

DE POETIS CADOMENSIBUS

Quorum exemplis ad poësim invitatus est.

R Uxeli fontes , Cadmæique antra Mal-
herbæ ,

In vestris liceat procubuisse toris.

Barbara non Scythico genuit me Nympha sub axe;

Torrida non Cancri sidere terra tulit.

Nascentem placidis fovit pater Olena lymphis :

Muscosum puero sæpe cubile dedit ;

Qua minor Ancræis lapsus de montibus Udo

Nobilibus supplex adsociatur aquis :

Olena , posthabito quem Xantho invisit Apollo ;

Et leni auratas abluit amne comas.

Fertur & hic gelidis citharam pulsasse sub antris ;

Atque leves Musis præcinuisse modos.

Sæpe illic inter corylos tardissima noctem

Dormiit hesternis fessa Thalia choris.

Florida per riguas vidi vestigia valles :

Afflabat sanctis suavior aura locis :

Hæc mihi monstrabat teneris Hallæus ab an-
nis :

Tentabam sacras hoc præeunte vias :

Fas tibi Pegasidum , dixit , cognoscere gressus :

Isto calle pedes Dî posuere suos ,

Et Cadmo geniti vates melioribus annis ,

Rupibus his faciles turba secuta Deos :

Pastor Hyanteæ sic quondam vallibus Ascræ

Præsentes meruit cernere Pieridas :

Isthinc argutis animi venere Marotis :

Fluxit ab Oleniis fontibus ille lepos :

Carmina linigeri non ista dedere Cadurci :

Non hæc tam doctos contulit aura sales :

Bertaldum myrto tenerum texere palumbes ,

Ubera lactenti cùm daret ipsa Venus :

Valclinis teretes cædentem Pana cicutas

Vidimus ; hinc illis fistula juncta fuit :

Fistula , Fraxineas inter notissima sylvas ,

Arcadico referens carmina digna Deo :

Ista Patrisius nuper projectus in umbra

Ludebat virides inter Hamadryadas :

Ipsa etiam Montem subter dictabat Acutum

Savario leges casta Diana suas :

Non

Non puduit molles Sarasini ad carmina Nymphas
Sub crotalis crispum ducere ab arte latus.

Albius huic si contra ausit certare Tibullus,
Judice vel Nemese posteriora feret.

In medio stantem juvenes cinxere Malherbam,
Nexaque sutilibus ferta tulere rosis.

Ille Deo similis, citharaque insignis eburna,
Saxa movet, rapidas & fide sistit aquas.

Posteritas etiam mihi fera rependet honores,
His si me quondam jungere fama volet.

Ergo age, Cadmaeis audax bacchata poetis
Scande juga, atque virum tu quoque in
ora veni.

Aggredere æternos, quos Phœbus spōdet, honores:
Non omni placeat laurea lecta jugo.

Te nemus hoc, te lustra vocant, te Naiades udæ,
Te medio surgens Olenæ fonte vocat.

Tempus erit, cum tu Phœbea fronde revinctus,
Quadrijugis vectus conspiciaris equis,

Et tibi pulsanti vocales pectine nervos
Plaudat honorato sedula turba seni.

Nec levis hinc nostris accedet gloria rebus,
Nobis deque tuo nomine nomen erit.

Sic puerum Hallæus monitis urgebat amicis.
Crescebant animi iussa sub illa mei.

II.

AD LYCORIDEM,

EX PERSONA

CN. CORNELII GALLI.

Ut illam perfidia sua pœniteat.

ERgo ego fallacis nuper nova cura puellæ ;
Exclusus surdas nunc querar ante fores !
Et poterit vana malecautum fallere lingua ,
Et mecum testes fallere inulta Deos !
Nunc ubi pacta fides, cōjunctaque dextera dextræ,
Verbaque confictis dissimulata dolis ?
Credulus omnis amans : utinam male credulus
errem ,
Et falsa elusus credulitate querar.
Se, tamen haud dubiis , nec nostrum id fallit a-
morem ,
Indiciis prodit mox violanda fides.
Non licet assuetos in vultu agnoscere risus ,
Non ore in nitido nutus amantis inest ;
Blanditiæque , jocique leves , mollesque susurri ,
Et quæ flexanimus verba ministrat amor.

Quæ mihi culpa nocet? quo crimine, sæva Ly-
cori,

Commerui fastus sustinuisse tuos?

Pectora manserunt fallenti fida, nec alter

Arguitur nobis prætepuisse calor.

Huc ades, ô nostris frustra expugnata querelis;

Huc ades, ô oculis insidiata meis;

Inque sinus redeas, ô formosissima, nostros:

Pollicitis debes jungere facta tuis.

Quid refugis puri sincerum pectoris ignem?

Quid faciles lusus, ingenuosque sales?

Hæc olim, fas sit jam dicere vera, placebant,

Et potuere animos conciliaſſe tuos.

Cantabam? noster decuit, te iudice, cantus:

Saltabam? hac inerat mobilitate decor.

Dulcia Pierio meditabar carmina plectro?

Jurabas Clario carmina digna Deo.

Quid juvat ingratham votis superasse puellam?

Quid juvat officiis demeruisse meis?

Clausa quid obscuras jacuisse ad limina noctes;

Quum Deus effuso tunderet imbres latus?

Quid foribus pictas juvat imposuisse corollas?

Oscula quid postis sæpe dedisse tuo?

Nobile, si nescis, per me jam nomen adepta es;

Et sociis facta es invidiosa tuis.

Neglectus mihi fons sacer est , & culmina Pin-
di ,

Pieridesque Deæ , Pieridumque Deus.
Te propter blandos Galatææ sprevimus ignes ,
Nec victam piguit deseruisse fidem.
Et tamen hæc reliquas inter formosa puellas
Fertur , & est multis sæpe petita procis.
Crebra ad me teneros referebat littera questus ,
Littera , quam lacrymis sparserat ipsa suis !
Non solitum pondus dulces habuere querelæ ,
Et gemitus mœstos mobilis aura tulit.
Admissa his luimus forsan perjuria pœnis ,
Peccato forsan torqueor ipse meo.
Forsan & exemplo fieri vis perfida nostro ,
Ut mala commisi quæ prior , ipse feram.
At nostro potius sapias malefana periclo ,
Ne pariter læsos experiare Deos.
Fallere cœlestes pudeat , jurataque sæpe
Sidera , polliciti conscia facta tui ;
Nostro infusa sinu prima quum nocte jaceres ;
Ad strepitus raucos prætereuntis aquæ.
Est prope Dardaniæ candentia mœnia Romæ ,
Floribus & læto gramine pictus ager:
Hinc viridi ridens assurgit cespite collis ,
Evolvitur placidas hinc Tiberinus aquas.

Grata quies riguæ florenti in margine ripæ ,

Gratum in gramineo procubuisse toro.

Sæpe illuc taciti submotis testibus ambo

Venimus , occultos nocte juvante dolos.

Ast hæc ante alias (meminisses vana Lycori)

Ante alias omnes hora beata fuit ,

Quum tu egressa domo , dicta maturior hora ,

Venisti ad jussum non comitata locum.

Meque renidenti castigans ore morantem ,

Improbe , dixisti , ficcine serus ades ?

Candida formosos vestis velaverat artus :

Vitta renodatam presserat arte comam.

Talem cœruleus quondam Nereida Delphin

Vexit ad Hæmonium per freta longa virū.

Sedimus ad mollem sinuosi fluminis undam ;

Summa fere nostros contigit unda pedes.

Non puduit tunc lenta meis dare colla lacertis ,

Et caput in gremio composuisse meo.

Lux mea , dicebam , cœlestia numina testor ,

Dum vivam , tempus te fore in omne
meam.

At tu purpureis figens mellita labellis

Oscula dicebas , Tu quoque noster eris ;

Concepto tantum faveant pia numina voto ,

Quæque micæ cœlo , Delia , testis ades.

Curva renascentis splendebant cornua Lunæ ;

Et placida æstivæ tempora noctis erant.

Audiit è cœlo promissum Luna sereno ,

Clarius & puro fidere lumen iit.

Audiit & glaucus vitreis Tiberinus ab antris ;

Quæque colunt Tiberis curva fluenta Deæ.

Ast hæc præcipiti Boreæ nunc vota dedisti ,

Atque procellosis diripienda Notis.

Lædere nec verita es , quos nuper supplice lin-
gua

Præsentes fueras testificata Deos.

Indoluit falsis spretam se Cynthia verbis ,

Deque astro visa est erubuisse suo ;

Quum tua volventem tacito perjuria corde

Me vidit solito Cynthia flere loco.

Omina fortunent superi ; sua sæpe Diana

Vindicat ultrici numina læsa manu.

Læsa hæc incautæ Cydippes febribus artus

Torruit , & Ceum jussit habere virum.

Bis septem Niobe natorum funera vidit :

Vidit , & est Sipyli vertice facta filex.

Terreat Oenidæ validis fera fixa sagittis :

Terreat ambusto torre scelestæ parens.

Et visa sine veste Dea Autonoeius Heros ,

Miratus fronti cornua nata suæ.

Quam timui, quum tu morbo tentata doleres,
 Ne Divis poenas impia lingua daret!
 Dî, prohibete nefas; nec ego crudelis amorem
 Hac mercede velim promeruisse tuum.
 Sit satius vixisse ream, si crimina cordi
 Sunt tibi, quam fatis occubuisse ream.
 Me tamen & curis, te crimine, teque periculo
 Exolvisse potes, stet modo pactus amor.
 Stet promissa fides, serumque adolescat in æ-
 vum:
 Hæc sit cura mihi, cura sit illa tibi.
 Juppiter ex alto probet hoc sublimis Olympo:
 Hoc Venus, hoc Veneris filius ipse velit.

I I I.

T H E A.

I Puer, i; Theam confestim in pocula misce:
 Urget non solitus lumina nostra sopor:
 Mens stupet: obtusæ languent in corpore vires.
 Languorem solvet vivida Thea novum.
 Dum loquor, ecce focus infertur sessilis olla.
 Apposito infusus æstuat igne latex.

Protinus injicitur contortis Thea capillis.

Explicat implexas fervida lymphæ comas.

Impletur vacuum cœlesti nectare pectus.

Intima vitalis permeat ossa calor.

Jamque fugit venis ignavi causâ veterni :

Marcida jam cæco fomite membra vigent.

Actutum incaluit blando mens icta vapore ,

Dum felix agitat percita corda furor.

Non luctu est animus , non curæ obnoxius
ulli :

Sed jocus , & risus , deliciæque placent ,

Urbanique sales , & tinctus sermo lepore ,

Et quæ multa solet fundere lingua dicax.

Nunc juvat assiduos intermisisse labores ,

Et dulcem studiis inseruisse moram.

Nunc juvat & facili voces inflectere cantu ,

Aut digitis resonæ ducere fila lyræ.

O Thea ! ô sacro demessæ termite frondes !

O stirps magnorum munere nata Deûm !

Quæ te læta tulit regio ? quo limite cœli

Alma salutifero germine turgēt humus ?

Hanc pater Eois Phœbus conlevit in hortis :

Aurora aspersit rore benigna suo.

Et , seu materno jussit de nomine dici ,

Sive Deûm ex donis , Thea vocata fuit.

Quippe tulere Dei nascenti munera plantæ.

Lætitiæ Comus, Mars animosque dedit;

Tuque, Coronide, succos facis esse salubres;

Hebe, fers rugis canitieque moram.

Mercurius vegetæ mentis concessit acumen.

Argutum Musæ contribuere melos.

Ergo non alios in carmina sufficit æstus,

Qui Pimplæa rigat nobilis antra latex.

Hinc Theæ quisquis crebro se proluit haustu,

Tradidit huic artes dexter Apollo suas,

Et caput implicuit lauro, curruque levatum

Sacra coronatis ad juga vexit equis.

Non ego divini penitus sum muneris expers:

Thea meo tingit sæpius amne comas;

Spumea cumque suis infecit pocula succis,

Et mea jucundus fluxit in ora liquor,

Mens commota novo confestim excanduit æ-

stro :

Venere ad numeros carmina sponte suos :

Carmina, quæ feri studeant didicisse nepotes,

Cadmæisque canat docta puella jugis,

Et circum recubans avida bibat aure juvenus,

Aut agat ad teneros mollia membra modos,

Dicat &, Hæc istis cantabat Huetius antris;

Ostendatque mea saxa notata manu.

Livor edax, in me vanis incurris habenis.

Melpomene cedro nomina nostra linet.

Meque suis addet laudatrix Gallia fastis,

Illum post cineres spondet Apollo diem.

I V.

Ἐπὶ τῷ Λοδοϊκού

Σ Ε Λ Τ Ζ Ι Ο Υ

Εὐγενεστάτῃ καὶ ἐλλογιμωτάτῃ
νεδυίου θανάτῳ.

Ε Λ Ε Γ Ο Σ.

Ἄρχετε νῦν λιγυροί, ἔταροι φίλοι, ἄρχετε
πένθους,

Ἡΐθεων κῦδος κείθανε Σελτζιάδης.

Παιδιὰ χρυσείας Ἀφροδίτης, ἔρνος Ἀρηθ,

Ἡρώων τε γένθ' εὐκλεές, αἶμα Διός.

Στήθεσι Φοῖβθ' ἐφίζεν ὅλος, Χάριτές τε
παρειαῖς,

Χείλεσι μὲν Πειθῶ, καὶ βλεφάροισιν Ἔρως.

Καὶ θιξτον ἐόντα δυσώνυμῳ ἤρπασε μοῖρα,

Ουρανίων 7' ἐνέργειε πέμψεν ἄθυρμα θεῶν.

Αὐτὰρ Φαβρίκιος, μεσῶν κλέει, ε' φρεσὶν
ἔτλη,

Αἶψα δ' ἐξέθορεν ὕβριν ἀμυνόμενῳ.

Παλλὰς Ἀθηναίη, καὶ Φοῖβος Συμπαρομάζ-
την,

Πιερίδων δ' ἐνθεν αὐτιάσκει χορός.

Ἡδέα φορμίζουσιν ὁμᾶ, θαμβῶσα κατὰ χεῖ

Ἴς αὐέμευ πνοιας, καὶ ῥόθιον ποταμῷ.

Θελξινόοις κληθεὶς μολῶῃσι, Κόρης γ' ἀε-
κείης,

Ηεργέντα ζόφον καλλιπε Σελτζιάδης.

Ἐικελῶ Ἀθανάτοισι παλίσυτος ἐξεφαάνη.

Πάντοί αὐτὰ σόμματα ζησόμενος πινυτά.

Ως φάσαν αἰγείδην Cειραῖς ποτε Περσεφο-
νείας

Ἐιργμένον Ἀλκείδ' ἄλκιον ὑπεξερύειν.

Ἰωπολύτῳ τὲ δεδύποτι καὶ πάλιν ἐς φάος
ἔλθεῖν

Θελκτῆρος μῆλ' ὅσῃ κε κερωνίδεω.

Λήγετε γυν λιγυρῆ , ἔταρρι , ἴτε , λήγετε
πένθους ,

Σελιζιάδης ἡμερὲς μόρσιμον ἐξέφυγεν ,





EPIGRAMMATA.

I.

EPIGRAMMA.

ΑΙΝΙΓΜΑ ΤΩ ΔΕΣ.

S Yrmatopullilutositrahus , doctorionummus ,
 Romulidistoricus , gloriolaucupida ,
 Loripedaatque cathedrituus , mentaureobarbus ,
 Putrididentinus , rufipiloscutis ,
 Simychonarifluus , rubicundoculumidilippus ,
 Hircaxillolidus , rostrirepandibrochus ,
 Trinigalerigerus , simulacriplateidecorus ,
 Franciscanicola , nugipolyloquides ,

I I.

Ἐἰς τρεχέειωνον ἀνδράσιον.

E ὕχμα ὦ γενεθρῶ πάντων , ὃς ὀλύμπιοι
 νάει

Δώματα, εἴ ποτε βῆ, θάνατον μετὰ, 'εις
αἶδ' δ' ὦ

Νυκτὶ λαθροφάγ' τε καὶ ὠμυθόρ' τε
τρεχέδειπνον,

Εὐμεγέθης στόμαχος μὲν' ἀφαιρῆν' ἔρκους ὁδόν-
της,

Φλοιοῖς θ' ἑσάμηναι σκληροῖς παρ' ἀμυγδαλαῖς
θεῖναι

Αἶψας μαρξ' ὄρασίτε τῇδε κηλάξεις.

III.

AD CHANAVARINUM;

Pro reddita versibus Gallicis Vite Ecloga.

Imméritam Vitem quo sis dignatus honore
Audiit, & subito sic mihi Phœbus ait:

Est jam, cui Vitis plus quam tibi debeat, alter;

Esse illi dederas, hic dedit esse bene.



IV.

AD MARIAM PRATEAM
VIRGINEM ERUDITAM,*Ut missis seriis det se jucunditati.*

O Dimus horridulas adducta fronte puellas,
Quæ miscere jocos noverit, illa placet.

Nos vates gens læta sumus; sic jussit Apollo;

Jussit & argutos spargere Musa sales.

O nimium tetricæ studiis operata Minervæ;

Pratea, contractum pone supercilium;

Risit Pythagoræ conjux antiqua renati,

Hesperiiis quanquam non minor illa Sophis.

Risit & Erinne; risit formosa Corinna,

Pindaricam toties vincere docta chelyn.

Non te deliciis superet jucunda vetustas:

Nominibus priscis te quoque finge parem.

Corrisisse mihi dicetur Pratea virgo;

Exemplum reliquis Pratea virginibus.



V.

IN COR GULIELMI MENAGII,

*Conditum in sepulcro Magdalena Loëtæ uxoris
nondum defunctæ.*

HUc cor Menagii duplici mors funere merfit;
Cum corde abjunxit, casta Loëtæ, tuo.

VI.

INSCRIBENDUM

Cryptæ Conchyliatæ

HERCULIS VALQUELINI YVETELLI.

HAs habuit formosa Venus cunabula con-
chas,
Surgere & has inter nunc quoque sæpe solet;

VII.

IN GELLIAM

Cæco nuptam.

CAllida quàm sapuit, cum nupsit Gellia cæco:
Quippe semel visam ducere quis poterat?

IN

VIII.

IN IMAGINEM
 CHRISTINÆ
 SUECORUM REGINÆ,
 Nummo impressam :

*In cujus antica parte Regina ipsius vultus, in
 postica Solis effigies expressa est.*

P Hœbus CHRISTINÆ pictos in imagine vultus
 Ut vidit, tales misit ab ore sonos :
 CHRISTINAM quisquis se pingere posse putavit,
 Se jubar ille putet pingere posse meum.

IX.

IN MATTUM ALEATOREM

*Versibus Latinis vel optime scribendis ingenium non
 requiri statuentem.*

A Urea Romano qui carmina concinat ore,
 Ingenio Mattus posse carere putat.

At te, hæc qui garris, dextram versante fritillo,
 Judicio cur non, Matte, carere putem?

H

X.

IN OBITUM

JOHANNIS BAPTISTÆ

POQUELINI

MOLERII

Comicorum & Comædorum suæ ætatis facile principis:

P Laudebat, Moleri, tibi plenis aula theatris,
Nunc eadem mœrens post tua fata gemit.

Si risum nobis movisses parcus olim,
Parcius heu! lacrymis tingeret ora dolor.

XI.

IN OBITUM

G. COSSARTII, S. J.

Qui blandi studiis Cossartus floruit oti,
Et tot inexhausto pectore clausit opes;

Ille, per humanas, dixit, sat lusimus artes,

Jam divina libet visere, terra vale.

XII.

IN POLYCRENE

Agri Sancaroni & Bavillæi fontem.

C Astalium mendax quid jactas, Græcia,
fontem?

Quid Phœbum, & socias, nomina vana,
Deas?

Quæ Sancaronicis Polycrene labitur arvis,
Obscurat famam, nobilis unda, tuam.

Hæc facit innumeros fecundo gurgite vates,
Afflat & in laudes enthea corda suas.

Huic quoque numen adest, huic & suus adstat
Apollo,

Cum placidis adstat Læmoniaæus aquis.

Cui comitem sese dederit si forte Rapinus,
Una Pieridum tunc chorus omnis adest.





ODÆ.

I.

AD DIVAM VIRGINEM

YVRANDÆAM SERVATRICEM.

ODE

*Quam Sacerdotes Cadomenses ad sacellum illius solen-
niter procedentes canere consueverunt.*



Iva Servatrix, bona Bajocani

Littoris custos, prece quæ rogantur

Non gravis flecti, mala Cadomæis

Finibus arces:

En cliens sacras tuus hic ad aras

Accidit pronus; meritosque, dulcem

Increpans plectro citharam sonante,

Dicit honores.

Horruit foeto tua nactus arvo

Pastor effossa simulacra terra,

Agna cui simplex præiit, latentis

Numinis index.

Ungula terram fodiens bisulca
Fertur obstipos tenuisse vultus,
Immemor prolis pecus, & virentis
Immemor herbæ.

Proximis circum studiosa campis
Advolat pubes, rigidus colono
Ponitur vomis, labefacta linquit
Jugera fossor.

Inter arentes resupina glebas;
Læta contingi manibus piorum,
Floribus spargi patiens odoris,
Prostat Imago.

At bonus tandem precibus sacerdos
Rite conceptis, sterili jacentem
Erigit campo, stabilique celsam
Sede reponit.

Hic tuo pendent capiti coronæ,
Hic tuas flammis adolemus aras,
Hic odoratos tibi dant Sabæa
Thura vapores.

Tu maris fluctus rapidos Britannii
Nutibus rectrix moderaris æquis,
Te procul summa pavidus salutat
Puppe magister.

Littoris compos, dubiisque nauta
Te canit functus pelagi periclis,
Et coronatos decorat tabella
Supplice postes.

Aridos per te rigat imber agros;
Imminens per te segetes adultas
Transvolat grando, tumidisque nutat
Merges aristis.

Ad tuum tendens pia turba limen
Oppidis exit bene feriatis,
Frigidæ vernis ubi mitigantur
Solibus auræ.

Floridis lente spatata campis
Pompa dum procedit, Io triumphæ;
Plebs canit, læto præit ore sacra
Verba Sacerdos.

Luciæ valles, Doveræque circum
Adsonant saltus, viridesque ripæ,
Rupibus longe latitans marinis
Adsonat Echo.

Flamines festis operantur aris;
Hinc & hinc supplex tibi languidorum
Turba procumbens onerat piis al-
taria donis.

Tu salutari relevas jacentum
Arte languores, oculis tenebras
Pellis indulgens, & iniqua linguæ
Vincla resolvīs.

Per recurrentes revoluta febris
Temporum lapsus, fugit inquietis
Protinus membris, fugit æstuantī
Aëre pestis.

O Parens Nati, sobolesque Patris;
Sive stellato dominaris axi,
Altior nimbis, & agente menses
Altior astro;

Seu polo lapsam mage Cadomæa
Arva delectant, resonumque propter
Littus aurato tua templa gaudes
Visere curru:

Nostra devoto tibi cunque Musa
Serviet plectro, tibi nostra serpet
Laurus æternis veneranda circum
Tempora ramis.

Laus Deum vivax maneat Parentem;
Natus extento celebretur ævo;
Spiritus longis adolescat ingens
Gloria seclis.

II.

AD ANTONIUM HALLÆUM ;

Ut carmina sua in unum colligat , & in lucem edat.

DUm nuper altis Castaliæ jugis
Incertus erro , me bifido pater

De monte Latous paventem

Vocibus alloquitur canoris :

Quicumque nostrum sollicita prece

Ambit favorem , non simul occupat :

Plerumque fallaces caduca

In zephyros abiere vota :

Unus repulsæ nescius asperæ

Haud unquam iniquum sensit Apollinem

HALLÆUS , haud hunc fisa nostris

Numinibus sua spes fefellit :

Seu grandiori carmine concinens

Heroas altum tollit in æthera ,

Seu quærit argutos jocosa

Musa modos leviori plectro :

Ast ille blanda quæ retulit prece

Obliviosus præmia negligit ,

Nulloque non partam labore

Progeniem exposuisse gaudet.

Cur

Eur non remotæ splendida providus

Æternitati munera consecrat,

Digesta mansuris reponens

Ordinibus veniens in ævum?

Cumæa vates sic levibus sua

Mandavit olim carmina frondibus;

Frondesque custodes futuri

Ludibrium dedit esse ventis;

Injuriosi vah sceleris pudet !

Errare Musam perfidus hospitam;

In mille partes dissipatam

Per varios finit angiportus;

Majore non se crimine polluit

Ææa solvens littore Colchico;

Cum fratris artus dividentem


Barbarici stupuere fluctus;

Remis adurgens at lacerum patet

Corpus profusis non sine fleibus

Collegit, & veram paterna

Promeruit pietate laudem;



I I I.

A D C A R O L U M P E R E R I U M

P O E T A M L A U R E A T U M.

Non vides quanto populi frequentes,
Docte P E R E R I , sonuere plausu,
Aureo dulces simul impulisti

Pectine nervos?

Audit, & secum meditata Clio
Reddit auditum studiosa carmen;
Arduæ circum tremuere summo

Vertice laurus.

Reddit umbrosis recubans vitetis
Ultimæ seu qui tenet arva Calpes;
Sive qui potat vaga fabulosi

Flumina Gangis.

Te decet molles levium susurros
Virginum grato celebrare cantu,
Rapta vel furtim male pertinaci

Præmia nymphae.

Te decet Bacchi cyathos, & ipsum
Pampino Bacchum viridi nitentem;
Te decet Faunos numeris procaces

Dicere parvis,

C A R M I N A

29

Mox tibi versu procul audiendo
Maximus rerum LUDOVIX canetur ;
Fortibus quandoque ruens Iberum
Contudit armis

Vana jactantem ; simul ut perenni
Laurea victor caput impedivit ,
Dexteram mox & decorabit almæ
Termes olivæ.

Concines curas vigiles IULI ;
Ut rebellantum vario tumultu
Altior cæcas oculo irretorto
Despicit iras.

Interim solis resupinus antris ;
Hic ubi lymphæ saliunt fugaces ;
Dividis glaucis operosa lentus
Carmina lymphis.

Lesbio chordas feriens loquaces
Mutuum plectro modularis ignem
Quo tuum pætis ARAMINTHA pectus
Urit ocellis.

Vos quibus primum , recinis , sagittis
Contigit natus Veneris marinæ ,
Nunc ut æterno ligat irrefecta
Copula nexu.

Candidæ dicis joca tum puellæ,
 Tum refers frontis nitidæ lepores,
 Quóque nascentis Venus os decorum
 Nectare tinxit.

Hanc levis circum volitat Juventas;
 Pressit ut molli semel arva planta,
 Protinus flores & odora fundit
 Gramina tellus.

Sive festivas agitans choreas
 Ad lyram comitis comes it puellis;
 Sive frigenti fluvio venustos
 Abluit artus.

Talis Idæis stetit alma campis
 Ante Pastorem Phrygium Dione;
 Cum Deæ late stupuere nudum
 Gargara pectus;

Talis & pura face Noctiluca
 Emicans ignes superat minores;
 Spumæo postquam retulit serenos
 Equore vultus.

O meo longos utinam per annos
 Plebe secreto liceat sodali,
 Liberam curis, ARAMINTHA, tecum
 Ducere vitam:

Post ubi feri revolutus ævi
 Terminus mortem tulerit propinquam;
 Una vos mergat gelidos eodem
 Hora sepulcro.

I V.

AD LUDOVICUM XIV.

*Quum fœdus iceret cum Philippo IV. Hispaniarum
 Rege, & Mariam Theresiam ipsius filiam
 duceret.*

Ceu foetus atro turbine spumeis
 Cum frangit Auster pumicibus mare;
 Et multa nautas apprecatos
 Vorticibus quatit æstuosis;
 Totoque differt æquore carbasa;
 Si forte falsis involitans vadis
 Fulgore collucens benigno
 Oebalidûm vagus ignis ardet;
 Cessere venti protinus, impotens
 Fluctus recumbit, Sol nitet aureus;
 Cœlumque nimbis occupatum
 Lumine purpureo recludit.

Sic non timentem funera Galliam

Postquam ferocis sævus Iberiæ

In bella commisit recenti

Sanguine Mars, jaculisque gaudens ;

Gentesque, longa militia, feras

Fortuna tristes cæca per exitus

Attrivit, & feros in annos

Lethiferum retulit duellum ;

Auro tumentis littoribus Tagi

Fulsit nitenti pulchrior Hespero

M A R I A, funestas cruentæ

Mox tenebras domitura noctis ;

Hanc, gentis ô Rex optime Celticæ ;

Blandi sagittis icte Cupidinis,

Tuque, A N N A mater, sæpe vobis

Sollicitis precibus petitam,

Deducit Hymen alite prospero ;

Jam tæda luxit splendida pronubæ

Junonis, & pictum M A R I Æ

Implicuit Venus alma Cestum ;

Huic pax eunti, grataque Faustitas,

Fraudisque vindex cana Fides præit ;

Et ruris ostentans honores

Frugifero Dea læta cornu ;

Ergo scelestam concutiens facem ;

Et viperinis horrida crinibus ,

Quam Luctus & Curæ sequuntur ;

Tartareas repetit latebras

Frendens Erinnyes ; tincta cruoribus

Jam tela condit miles : & aspera

Rubigo , lento dente rodens ,

Mox refides gladios retundet.

Non officinis Mulciber igneis

Formare Marti spicula Thracio

Addet , nec incudi sonoræ

Impositus crepitabit ensis.

Sed quisque lentus collibus in suis

Soles amabit condere lucidos ,

Gaudensque villosos comatis

Velleribus spoliabit agnos.

Illum juvabit dâcere languida

Obliviosi pocula Liberi ,

Myrto coronatum nitentes

Aut oleâ viridi capillos.

Pars sedularum Pieridum cliens

Mentem decoris artibus excolet ;

Phœbique cultus promovebit.

Te , LUDOVIX , pater atque princeps ,

I iiij

Seu jura mavis ponere gentibus
Nuper subactis, capta vel oppida
Lustrare victor, seu benignis
Imperiis fera corda mulces;
Sive ordinato milite ludicram
Miscere pugnam; sive animum juvat
Rebus fatigatum gerendis
Innocuo recreare ludo;
Diri pavebunt littora Bosphori,
Ingens pavebit Memphis, & abditos
Conversus ad fontes fugacem
Nilus agens trepidabit undam;
Ne luctuosam, non patiens moræ,
Sibi catenam ductus adorea
Majore nectas, vel locare
Tecta velis Solymæ jacentis;
Commisssa regni JULIUS interim
Componet alta mente negotia,
Curaque firmabit sagaci
Quam populis peperit quietem;
Nuper duellis dictus amicior,
Quam pacis almæ dulcibus otis,
Mavorte nunc gaudet sepulto
Perpetuum pepigisse fœdus.

Leges severæ virginis arbiter

Appendet æqua lance L A M O N I U S ;

Precesque despectans nocentum

Rite scelus gladio recidet.

Non hæc futuris acta nepotibus

Discenda carpant dentibus invidæ

Obliviones , nec vetustis

Evaleant abolere fastis :

Ast eruditis carminibus potens

Arcere letho Mercurialium

Manus virorum tot labores

In veniens celebrabit ævum;

Me præter omnes Æolia fide

Mirans videbit Callia nobilem ;

Lauroque velatum recondam

Sydereos caput inter ignes;



V.

AD EUNDEM.

*Fama aternitatem non nisi carminum opē
consequetur.*

Clarum perpetuis nomen honoribus ;
Dum seris LUDOVIX transdere posteris ;

Ætatesque parat ferre per ultimas

Quæsitum meritis decus.

Nunc vel nobilium Pyramidum situ

Augusto monumentum extruit altius ;

Nunc vultus Pario marmore regios

Ducunt artifices manus.

Descendens patrio protinus æthere

Pallas, Dardaniam qualis ad Ilion

Peliden adiit, atque salubribus

Juvit consiliis ducem :

Talis BORBONIDÆ post caput adstitit ;

Heu vano nimium credule marmori,

Quid tentas studio, dixit, inuili

Nomen transdere posteris ?

Quæ tu cunque paras, hora volucris

Absumet spatiis ; nec pote lividum

Dentem præcipitis frangere Temporis

Mortales hominum manus.

Magni nata Jovis sola volubiles
Frænat Calliope Temporis impetus:
Quod nigro Lachesis stamine texuit;
Audet Musa retexere.

Et mox illa tuis parca laboribus,
Si non Musa vetat, laurea decolor
Arescet moriens, palmaque languidis
Amittet foliis decus.

Prudens Cecropiæ consilium Deæ
Attentis LUDOVIX combibit auribus;
Et neglecta sacra culmina Phocidos
Blando lumine respicit.

Tum lauros bifido vertice marcidas
Æternis videas surgere frondibus.
Largo virgineum flumine proluit
Montem Pegaseus latex:

Jam gaudent residues sumere tibia
Vates Castaliis haustibus uvidi,
Et prisca reparant munera carminis
In laudes, LUDOVIX, tuas:

Hic vel Mæoniis cantibus asperæ
Fastus edomitos narrat Iberiæ,
Vel pronos humilem flumine supplici
Rhenum volvere voraces.

Læsum sacrilego crimine Principem, &

Cyrnæi furias ausaque militis

Hic tristes elegos fingere doctior

Argutis queritur modis.

Mox & te, Cavarum pulcher Avenio;

Auratis iterum floride Liliis,

Et Romana diu vincula perpeti

Iratum Rhodanum canit;

Versus ille truces fundere nobilis,

Quales bile tumens Archilochus vibrat;

Turbati Lotharum fœderis arguit.

At me tempora floribus

Vinctum purpureis, qua pater aggeres

Lente Cæsareos Olena perfluit,

Gaudentem numeris & fide Lesbica,

Augusti tenuem juvat

Lusus innocuos dicere Principis.

Et ni Parca meos fregerit impetus;

Olim BORBONIDÆ (nam bonus annuit)

Dicam fors quoque prælia.

Servabunt numeros, nostraque concinent

Mistæ cum pueris carmina virgines,

Formoso dociles reddere pollice

Cantus vatis HUETII.

V I.

AD NICOLAUM HEINSIUM.

Poëta inter aula tumultus patria desiderio tenetur

ERgone æternis agitemur, HEINSI,
Fluctibus rerum, dubiæque sortis

Aura nos semper malefida cæco

Turbine verset ?

Jam satis longos patimur tumultus ;

Jam decem Titan reparavit annos ;

Vana me postquam patria carentem

Detinet Aula.

Lege non illa Phrygias paciscar

Attali gazas, Asiæque campis

Aurifer quidquid trahit in rubente

Hermus arena.

O ubi molles Cadomi recessus !

Quis mihi longe vetus hinc sodalis

Obviam prodit, reduciue lætus

Montis acuti

Monstrat optatum digito cacumen ;

Lusibus quondam loca sacra nostris ;

Cum darent certis faciles diebus

Quia Musæ ?

O ubi quondam mihi nota pubes ,

Atque defestæ juvenum choreis

Olenæ Nymphæ , levibusque rura

Cognita Nymphis !

Illæ vitales mihi lucis auras

Præbuit tellus , eadem sepulcro

Ossa componens cineri supremos

Reddat honores.

Sin eas sedes mea fors negarit ,

Tum meæ quæram requiem senectæ ,

Hic ubi lætas fuit inter alnos

Frigidus Udo.

Monte qui primum saliens propinquo

Roscidis murmur meditatur antris ,

Et coloratos querulo laceffit

Rore lapillos.

Mox citas latis vagus esculetis

Colligit lymphas , tumidusque fluctu

Olenam patrem petit , & minaci

Provocat unda.

Annua fontem celebrans honore

Ludit exultum petulans juvenus :

Virgines adstant , hilarique solvunt

Ora cachinno.

Nec puellares animos voluptas
Sola prolestat; venerantur amnem;
Et satas circum salices amoenis
Floribus ornant.

Vestit umbrosas rudis herba ripas;
Stagna pellito pede tranat anser;
Piscis incassum saliens tenaci
Ducitur unco.

Inde pastorum resonant cicutaë;
Lucidum tergo gerit agna vellus;
Explicat longum latus inter altas

Vacca genistas.

Ipse Pan spreto veniens Lycæo;
Sæpe formosam Pityn in remotis
Montibus cantat, sua jam nec illi
Mænala curæ.

Illa præ cunctis mihi ridet ora;
His amem lentus jacuisse ripis;
Flores inter recubans beati

Ruris odores.

Hinc meo nectam capiti corollas:

Non mihi quavis placuere flores

Valle decerpti, neque lectus omni

Cespite ramus.

VII.

AD TEMPE ALNETANA.

Tibi grates, Zephyris hospita tellus,
Tibi laudes cano, florum sacra mater;
Tua tandem, tua viso repetito juga cursu,

Studiorum pia nutrix, Parisinos
Strepitus huc fugienti nemus altum
Bona præbes, & amica recreatum lavis unda;

Potes acres animi pellere curas;
Relevas ingenii tædia fessi,
Simul atra recubantem corylorum tegis umbræ;

Mihi robur vegetum læta ministras,
Tua cum pectoribus ducitur aura,
Subit intus reparatos juvenilis vigor artus;

Neque fulmen, neque fœdus ruit imber;
Neque frigus, neque fervens nocet æstas;
Tua nascens juga Phœbus meliori linit auro.

Tua Musæ faciles antra frequentant;
Salientum Satyrorum pede pulsos
Dea colles jaculatrix sinuato quatit arcu;

Per amœnos spatium juvat agros.
 Date lusus, mea Tempe, date somnos;
 Vitrea qua per opacum levis Udo strepit urna;
 Novus anni stetit his me tepor oris:
 Neque linquam loca mœrens prius ista;
 Abigat quam Tegeæ glacialis rigor Ursæ.

V I I I.

I N V E N U S T I S S I M A

J O H A N N I S R E I N A L D I S E G R Æ S I

P O E M A T A.

DUm leves inflat calamos Segræsus;
 Audiant mistis juvenes puellis,
 Suave quos ridens Cytherea blando

Contigit igni.

Esse non ulli vacet otioso.
 Vulgus impurum procul hinc faceſſat:
 Præbeat neu quis male feriatam

Cantibus aurem.

Ridet hic paſſim Venus; hic ſagittis
 Ludit intentis volucer Cupido;
 Hic choros zonis Charites ſolutis
 Ducere gaudent.

Quos ad Amphrysum numeros Apollo

Rupibus quondam cecinit remotis,

Hic modis audax paribus Segræsi

Reddit arundo.

Cum sacro tales daret ore cantus;

Olenam junco viridem palustri

Non semel summa caput efferentem

Vidimus unda.

Interim venti steterunt silentes;

Atque suspensos tenuere cursus:

Olenæ patris requiesse fertur

Immemor urna.

Quin & arrectæ procul audierunt

Aure Segræsum bibula canentem

Naiðes glauco niveum revinctæ

Pectus amictu.

Vidimus cursim Dryadas relictis

Saltibus lætas properare circum, &

Pana currentem simul efficaci

Carminè ductum.

Una præ multis tenero benignam

Carmini mentem Dryas applicabat:

Unde ringenti potuere rumpi

Ilia Mopso.

I X.

AD CHRISTUM VICTOREM.

Quis opacam novus horror tenet æthrâ?
Quid Eoâ refugus Sol latet umbra?
Et amicam trepidanti negat orbi dare lucem?

Deus, eheu, Deus altâ trabe pendes:
Venerandum rubus asper caput ambit:
Tibi circum laniatos rigat ater cruor artus.

Fera cernens patientem mala natum,
Oculos in mediâ morte natantes,
Veteres corde remittit miseratus Pater iras.

Tibi nigræ patuerunt loca Lethes.
Tenebrosus venientem tremit Orcus:
Ita mundi domitorem moriendo domuisti.

Nova lux en redivivi micat ore.
Super alas Aquilonum gradienti
Tibi plaudit, tibi cantat Superiorum chorus omnis.

Perituræ reparator bone gentis,
Patefac exulibus limen Olympi.
Patriam nos repetentes tua cœlo vehat aura:

X.

AD DIVAM
GENOVEFAM.

P Rodeas summo, GENOVEFA, cœlo,
Auream stellis radiata frontem,

Et Parisinos propius revise

Candida colles.

Si tuum supplex, redeunte Jano,

Limen angustis terit usque portis,

Spargit & festas pia gens odoris

Floribus aras:

Si tua Flamen trabeatus æde

Exiens nudo pede saxa pressit,

Cum triumphali spatiosa pompâ

Compita lustras;

Dumque devoto decus ore Mystes

Namptodorensis celebrat puellæ,

Prona sub sacro posuere cives

Colla feretro:

Hæc tibi nunc sint pia facta curæ:

Nunc vicem votis memorem referre

Tempus, & torvâ decorare victos

Casside crines.

Scande sublimes animosa currus,
Et Patris summi trifidum rubente
Impias dextrâ domitura gentes

Arripe telum.

Barbaræ circum coeunt phalanges:
Deferit nigras Alemannus Arctos;
Ausus Hispanis equitare campis

Imminet Anglus.

Institor merces Oriente partas
Destinat Francis Batavus ruinis;
Hæc datæ quondam misero salutis

Præmia reddens.

Scabra detergit ferus arma miles;
Cotis affrictu juvenescit ensis;
Jamque desueto steterunt minaces

Vertice cristæ.

DIVA, quid cessas? nec adhuc coruscas
Nube candenti jacularis ignes?
Oris aut flatu valido Sicambra

Effeda vertis?

Est tamen quod te potiore voto
Postulem, VIRGO: precibus Tonantem
Posce, discordes populos beato

Fœdere jungat.

Det bonam cœlo remeare Pacem;
 Æquitas quam mox reducem sequatur;
 Nec Fides absit retegens soluto
 Pectora peplo.

Nata supremi Pietas Parentis;
 Perditos mores hominum refingens
 Advolet, nostris animisque sacros
 Ventilet æstus.

Illa damnofo tumidum furore
 Imbuat sensu meliore pectus:
 Is gravi pressum quoque me veterno
 Excitet ardor.

Me piget priscis cruciare mentem
 Amplius libris, studioque ductum
 Antelucanos operariorum
 Ferre labores.

Jam petor cœlo: quid adhuc dolosæ
 Spes diu terris retinent morantem?
 Eximar curis, & agente curas
 Eximar ævo.





MISCELLANEA.

I.

FUNUS

CLAUDII SALMASII.

CONCLAMATIO.

CLAUDI, CLAUDI,
Respice, respice:

Huc extremum,

Huc, SALMASI,

Lumina flecte.

Nam quis te novus

Intus habet dolor?

Nam quorsum animus

Aufugit tibi?

Num te, CLAUDI,

Mors gravis occupat?

Tunc æterno

Composuisti

Lumina somno?

Heu, heu, Socii,

CLAUDIUS occidit;

Non audit meas

Ille querelas.

Promite Syria

Balsama pyxide:

Et SALMASI

Tandem extremo

Ungite frigus

Munere corpus.

CONLOCATIO.

T Amet si properas, Viator, adsta:

Quod sub vestibulo hoc jacet cadaver;

SALMASI fuit. Heu Vale, Viator,

Nostram, si sapias, & vicem doleto.

AD LEYDAM URBEM.

O Urbes inter celeberrima LEYDA Batavas;

Desine Phœbea sublimia tempora lauro

Cingere, & augustos jam desine tollere vultus.

CLAUDIUS, heu, rerum columeque decusque

suarum,

CLAU

CLAUDIUS ecce jacet, fato præreptus iniquo.
 Hoc stante, ingenti tua sese Academia plausu
 Extollens, alias inter longe altior ibat.
 Occidit is postquam, declivem pondere vultum
 Mœsta gerens, magnum languet confessa dolor
 rem.

Hanc nos præteritis quondam suspeximus annis ;
 (Et meminisse juvat) tanto cum fidere læta ,
 Doctrina illustres cultuque referret Athenas.
 Quod postquam orbatam felici luce reliquit ,
 Scilicet omnis honos studiorum & gloria cessit.

A D M O R T E M.

M Inistra fati, Ditis ignavam ad domum
 O quæ colonos trudis impia manu ,
 Et cuncta falce demetis ; postquam neci
 Potuisti acerbæ CLAUDIUM immitis dare.
 Quidni soluta funditus totum moves
 Compagne mundum ? Conditus quando nigris
 Phœbus tenebris denegat terræ jubar ,
 Et Luna fratris aureos vultus regit ,
 Exanguis hominum pectora invadit timor :
 Quippe imminere protinus mundo putant
 Commune fatum. CLAUDIUS quando est truci
 Letho peremptus seculi lumen sui ,

Quidni hoc tenebras funus inducat graves;
 Orbemque totum nocte funesta premat?
 Haud triste lethum deprecor, postquam neci
 Potuisti acerbæ CLAUDIUM immitis dare.

AD FAMAM.

Diva laudis, & perennis proma conda glo-
 riæ,
 Diva victrix mortis atræ, Diva victrix temporis;
 Ille qui virum per ora, (Diva, sic tu jusseras)
 Is per ora qui volabat, magnus ille CLAUDIUS;
 Ille quem tu personante prædicabas buccina,
 Morte crudeli peremptus nuper eheu concidit.
 Hunc potenter à feroci, Diva, morte vindica.
 Hic caducam morte vitam languidamque perdi-
 dit:
 Huic perennem pro caduca, Diva, vitam reddito.

AD MANES SALMASII.

Si quis amor rerum post tristia funera restat,
 Et Manes ima sequitur tellure repositos,
 Pallida quem totis Lethe non eluat undis,
 O anima, ô dubiis vitæ defuncta periclis,
 Te non ulla quidem cepere oblivia nostri.
 Ex quo etenim me fors Leydensibus appulit oris;

Atque tuam potui, SALMASI, tangere dextram,
 Et coram blandas audire ac reddere voces,
 Scilicet ex illo nostri pars magna fuisti,
 Ipse tui nonnulla fui, concordia postquam
 Pectora junxit amor. Memini me febre peresum;
 Atque istic longi perpesum incommoda morbi
 Jam tumulo quæri: non nostri sedula nutrix,
 Non nostri curam soror officiosa gerebat.
 Continuo tu languentem miseratus amicum,
 Auxilium afflictis rebus non molle tulisti.
 Ergo, SALMASI, quæ nos, dum vita manebat,
 Junxit amicitia, hanc etiam post funera servas.
 Me vero quæcunque dehinc fortuna sequatur,
 Non nostro illa tuum pellet de pectore nomen.

CONVOCATIO.

L Eſti juvenes,
 Atque virorum
 Quidquid ubique eſt,
 Quorum ſacro
 Pectora Phœbus
 Contigit igni;
 Eheu CLAUDIUS,
 CLAUDIUS ille
 Jam crudelibus

Occubat umbris.

Huc, huc gemitus ;

Huc suspiria ;

Et languenti

Mittite tristes

Pectore questus :

Huc, huc lacrymas ;

Huc, huc mœstos

Uda profundant

Lumina fletus.

Ipse ego pullo

Tectus amictu ;

Spargam tumulum

Manibus plenis ,

Et humum pingam

Vernis floribus :

Tum funereum

Hoc inscribam

Carminè saxum :

CLAUDITUR HIC PARVA MAGNUS SALMASIUS

URNA :

ILLE PRIUS TOTUM SUB PECTORE CLAUSERAT

ORBEM.

CARMINA:
MONODIA.

Postquam , SALMASI , felicem in commoda
vitam

Publica consumpsi , te Libitina rapit.

Te Libitina rapit , postquam te magnus Apollo

Imperium bifidi iussit habere jugi.

Postquam ego sic actæ traduxero tempora vitæ ,

Sit mihi vita gravis , sit mihi dulce mori.

INHUMATIO.

CLAUDI lotos tibi , sacra mater

Terra , mandamus cineres in urna ;

Terque plangentes positum suprema

Voce ciemus.

Tu sinu , Tellus , foveas benigno

Creditum pignus : levibus favillam

Contegas glebis : placido quiescant

Ossa sepulcro.

CONSECRATIO.

AD POETAS.

Vates , parcite fletibus.

Cur molles lacrymas , cur gemitus graves ;

L iij

Aut cur carmina tristibus
Decantata modis funditis anxii?

Jam nunc sat lacrymis datum est:
Huc, huc, pro lacrymis, purpureas rosas;

Huc plenis manibus date
Pallentes violas, albaque lilia.

Huc plenis date cinnama,
Huc stacten foculis, his redolentia

Aris thura profundite.
Divus sacra sibi munera CLAUDIUS;
Et libamina postulat.

Nam non ille quidem Tartareos lacus;
Non hic Elysium tenet:

Sed postquam fragilem corporis exiit
Molem, huic perpetuas domos

In summo attribuit Juppiter æthere.
Illi nectareus liquor

Posthac ora meris proluet haustibus;
Quem fundet Phrygius puer;

Et totum liquidis ambrosiæ Venus
Hunc perfundet odoribus.

Formosæ soboles docta Coronidis,
Mutarum pater artium,

Fratres Tyndaridæ, & maximus Hercules,
Illi se comites dabunt,

Quos virtutis amor vexit ad æthera.

O quisquis studiis vacas ,
Et mentem ingenuis artibus excolis ,

Hic Musis præerit Deus ,
Intonso socius junctus Apollini.

His jam se facilem dabit ,
Illum qui precibus supplicibus petent.

IN OBITUM C. L. SALMASII

Epigramma, stylo Enniano.

Vitæ finem postquam est Salmasius aptus ,
Omnis homo mæstis hunc decorat lacrymis.
Scilicet id faciunt quod possunt, sed queat olli
Ningulu' pro scriptis reddere opræpretium.

I I.

V O T U M

Pro reditu è Suecia in Galliam.

B Ocharti comites, cohors inanis ,
Aptis sarcinulis & expeditis ,
Cum bulga exigua, tribusque peris ,
Non his grandibus atque ponderosis ,
Ast illis vacuis & expeditis ;
Magnis passibus Holmia relictæ ,

Nec non Vandalia, Sueciaque,
Gothis, Ostrogothis, Visigothisque;
Atque ipso Borea valere iusto,
Et quidquid fuit uspiam Trionum,
Tandem in Celtica passibus citatis,
Aptis sarcinulis & expeditis,
Tandem in Celtica cogitamus arva;
At nos Mercurio Deo viarum,
Cui sunt compita curæ & angiportus;
Illud concipimus perenne votum,
Istas numquam iterum vias ituros,
Si nos incolumes domum remittat;
Salvis sarcinulis, & integellis.
Hoc nos concipimus perenne votum.
Bocharti comites, cohors inanis.

III.

Psalmi CXXIX. Paraphrasis.

ANxia sollicitis oppressus pectora curis;
Ausus sum timidos ad cœlū tollere vultus;
Supplicibusque, Sator rerum, te poscere votis.
Ergo ades, atque pios ne dedignare vocatus;
Sed facili tristes audi bonus aure querelas.

Si nostra attento peccata examine pendis,
Et rigido æquata repugas libramine lancis:
Ecquis, io, admissi manifestus criminis, ira
Cernere flammatos poterit, pater optime, vultus?
Quis feret æternos ignes, & debita culpæ
Supplicia, aut sævo poterit durare sub ictu?
Verum equidem memini sensus in corde paternos
Te gerere, & precibus non intractabile pectus;
Confususque illo, quo nos dignaris, amore,
Protinus occultas animi, te ju lice, labes
Prodere sustinui, nec vanis artibus usus
Criminibus studui falsos adhibere colores.
Deinde tuas etiam leges dum mente revolve,
Quas sacro retulit montis de vertice Moses,
Adstrictæ & fidei solenni fœdere quondam
Rite memor, cum me cœlum sperare juberet,
Si quando mœsta veniam te voce rogarem,
Me subit æternæ spes non incerta salutis.
Ergo purpureas ex quo de gurgite flammæ
Extulerit Titan, donec se condât in æquor.
Isacidûm genus exultans tibi carmina dicat,
Atque suas in te, Omnipotens, spes collocet uno.
Nam lacrymis ultro miserorum, & supplice fletu
Tangeris, attritisque affers solatia rebus.

De P. D. HUETII CARMINA:

Quondam etiam humanos non dedignaberis
artus

Induere, Abramidisque admissa piacula fuso
Sanguine deluere, & meritas avertere poenas.

IV.

IN AGGERES HOLLANDICOS.

Fragmentum majoris operis.

His super edocti, longas molimine magno
Infixere fudes pelago, tum immania saxa,
Et simul effractæ prægrandia pondera terræ
Advolvere super, molemque sub astra dedere.
Vicino Nerei cunctos, his artibus usi,
Præclusere aditus circum, mirabile dictu,
Et docuere vagos vinclis assuescere fluctus.
Ni faciant, magnasque urbes, camposque patentes
Quippe ferox tumidis involvat fluctibus æquor.
Haud aliter quondam Tethyn domuisse furen-
tem

Fertur, & iratos fluctus vinxisse catenis
Innumero circum stipatus milite Xerxes.

FINIS.



INDEX RERUM.

A.

- Æ**gyptii sacerdotes sale abstinent. 43.
Ælnetanum, rus Huetii amœnissimum. 112.
Alhæa, Meleagri mater. 78.
Alumen, salis genus. 43.
Amphrysus. 114.
Ancræi montes. 71.
Ancus Marcius munera salis Romanis præbuit. 46.
Salinas instituit. 46.
Aнна Austriaca, Francorum regina. 102.
Aparine Canymedis conjux. 21. Fauni & Metidis
filia. 21. Ganymedi nubit, 24. in plantam co-
gnominem mutatur. 26.
Aramintha, virgo formosa. 99. 100.
Archytas. 18.
Avenio Cavarum. 108.
Auratus (Johannes) stylum Lucretianum infeli-
citer imitatur. 34.
Axis mundi. 26.

B.

- B**acchus ad Indos proficiscitur. 3. eos bello
aggreditur & domat, 6. ut in arborem

INDEX RERUM.

mutetur Vitis Nympha , à Jove postulat , & impetrat.	7.
Balthicum mare.	54.
Bavillæus ager.	91.
Bertaldus (Johannes) Poëta Cadomensis.	72.
Bochartus (Samuel) Huetium ad intermissa litterarum studia revocat. 65. Amstelodami advenientem Huetium excipit , 50. indè in Sueciam unà cum eo proficiscitur. 50. Boxtudæ penè manus commisit cum ebrio milite.	53.
Boxtuda , urbs.	53.
Brema.	52.
Brigantina creta.	45.
Briosius (Jacobus Mosantius.)	65.

C.

C Alchantum sutorium , salis genus.	43.
Capelanus (Johannes) Gallicus poëta.	47.
Caystri Magnes accola.	14.
Cereri sal & farra offeruntur.	45.
Chanavarinus Vitem Eclogam versibus Gallicis reddidit.	86.
Christina Suecorum regina.	47. 89.
Christus patiens , & deinde victor.	115.
Cimolia terra , sale foeta.	45.
Codanum Fretum.	56.
Columbæ fugientes sale revocantur.	44.
Coma Berenices.	18.
Corinna.	87.
Cossartii (Gabriëlis) è Soc. J. epitaphium.	90.
Creta Brigantina.	45.
Eronemburgum arx Helsenuræ urbis ad fretum Codanum.	56.
Cucurbita.	40.
Cyclopum Siculæ cavernæ.	16.

INDEX RERUM.

Cydippe.	78.
Cyruorum militum furia & ausa scelerata, ad- versus Legatum Christianissimi Regis, Romæ agentem.	108.

D.

D ædalus.	19.
Danica fercula.	56.
Danorum Rex.	55.
Delphi, urbs.	49.
Diva, oppidum.	48.
Dordrechtum.	49.
Doveræ saltus, ad mare Britannicum, non longè Cadomo diffitus.	94.

E.

E lspettum, ignobile oppidum.	50.
Epiphora, quis morbus, 36. quæ illius reme- dia.	39.
Erasmi ænea effigies.	49.
Erinne.	87.

F.

F ercula Danica.	56.
Fionia, Daniæ insula.	14.
Franciscopolis, urbs ad Sequanæ ostia.	48.
Fretum Codanum. V. Codanum.	

G.

G alesi pineta.	18.
Galli (Cornelii) ad Lycoridem Epistola ab Hueuo conscripta.	74.

INDEX RERUM.

- Ganymedes Troïis Regis filius. 23. Aparines amore
re captus, 22. ei connubio jungitur, 25. in cæ-
lum ab aquila rapitur. 25.
Gellia cæco nupta. 88.
Genovefa Namptodorensis Parisiorum patrona.
116.
Gnomon. 17.
Gottorpia. 53.
Gypsum Tymphaicum. 45.

H.

- H** Aderſlevia, urbs. 54.
Hafnia, Daniæ primaria urbs. 55.
Hafniensis Turris. 55.
Hallæus (Antonius) Huetium, cujus Præceptor
quinquennio fuit, literarum studia intermit-
tentem objurgat. 66. Hallæo se Huetius à pan-
gendis carminibus excusat. 68. Hallæus juve-
nem Huetium ad poëſim invitat exemplo poë-
tarum Cadoſmenſium. 72. 73. Huetius eum hor-
tatur, ut carmina ſua in unum colligat, & in
lucem edat. 96.
Hamburgum. 53. Hamburgeniſium picturata ve-
ſtimenta. 53.
Hardenberga. 51. Hardenbergeniſis Conſulis eli-
gendi ratio. 51.
Harlema prælorum repertrix. 50.
Hebe, Junonis filia, pulſa miniſterio Deorum.
21.
Heinſium (Danieleſem) Leidæ Huetius inviſit. 49.
Heinſio (Nicolao) Daniëlis filio ſuum reviſendæ
patriæ deſiderium aperit Huetius. 109.
Helmæſtadia. 57.
Heſſenara, urbs Zelandiæ ad Fretum Codanum.
56.

INDEX RERUM.

Herculi juveni adstant Virtus & Voluptas.	62.
Hippolytum mortuum vitæ restituit Æsculapius.	83.
Hirudo.	39.
Hollandici Aggeres.	130.
Holmia, urbs Sueciæ primaria.	59.
Holfatiæ Dux.	53.
Honflorium, urbs ad Sequanæ ostia.	48.
Horologium, Magnetis inventum.	17.
Horos Ægyptius.	17.
Huetius (Petrus Daniel) remissa pravis hortati- bus studia literarum meliore amicorum confi- lio resumit. 66. Iter facit in Sueciam. 48. Car- ceris discrimen adit. 55. Votum Mercurio nun- cupat pro reditu è Suecia. 127. Febri laborat Leidæ. 123. Epiphorâ diu ac multum vexatur. 36. Theæ potu delectatur. 79. In Origenis vo- luminibus edendis operam ponit. 69. Æternam sibi ex carminibus famam pollicetur. 82. Abdi- catis operosis disciplinis ad divinarum rerum curam se convertit.	118.
Huena, insula in Codano freto. 55. Tychonis ob- servationibus astronomicis celebris.	56.

I.

J ohannes Magnus.	58.
Iris Junonis nuntia. 8. Thaumantis filia, 8. 14. Iertis diversicoloribus caput ornare solita. 8. 13. Phœbi amoris respondet. 8. Mercurium spernit. 10. Neglecti pudoris dat pœnas, 12. 13. æterno carceri mancipatur.	13.
Iter Suecicum. V. Suecicum.	
Judæorum Synagoga Amstelodamensis.	50.

INDEX RERUM.

L.

- L**ælius salis medimno amicorum fidem jubebat explorari. 46.
 Lamoni^{us} (Gulielmus) integerrimus Senat^{us} Princeps. 91. 105.
 Leidæ urbis laus. 49. 120.
 Leonora , Sueciæ regina , Christinæ reginæ mater. 59.
 Lincopia , urbs. 58.
 Loëta (Magdalena) Gulielmi Menagii uxor. 88.
 Lotharingus fœditragus. 108.
 Ludovicus XIV. Mariam Theresiam ducit. 101.
 Viros literatos pecuniâ honoraria provocat ad scribendum. 106.
 Luciæ valles , ad mare Britannicum , non longè Cadomo distat. 94.

M.

- M**agnes Lydus. , 14. accola Caystri , 14. insignis Philosophus , 14. in lapidem mutatus , 20. ad Septentrionem convertitur. 20.
 Magnetis discipuli in ferrum mutati , 20. Magnetem magistrum sequuntur. 20.
 Malherba , (Franciscus) Cadomensis , Gallicorum Lyricorum princeps. 71. 73.
 Mambrunus (Petrus) è Soc. J. præceptor Huetii , scripsit de carmine Epico , & Constantinum , poëma Epicum. 65.
 Manasses ben Israël , Judæus. 50.
 Maria Theresia Austriaca Ludovico Francorum Regi nubit. 101.
 Marotus (Johannes) Clementis pater , poëta Cadomensis. 725

Marout.

INDEX RERUM.

Marotus (Clemens) Johannis filius , poëta Cadomenſis. 72. Hymnorum Davidicorum interpres.	57.
Mattus , aleator.	89.
Mazarinus (Julius) Cardinalis.	99. 104.
Medea Abſyrti fratris corpus membratim dividit , & paſſim abjicit.	97.
Meleager.	78.
Meleagrides Danicæ , canis plumis induta.	54.
Menagius (Ægidius.)	60.
Menagius (Gulielmus.)	88.
Mercurius Irin amat , 10. ab ea ſpernitur , 11. graviter eam ulciſcitur. 12. Picam amat.	28.
Mercurius dat molem corporibus.	42.
Middelburgum.	49.
Mimas , mons.	16.
Mola falſa.	45.
Molerii (Johannis Baptiſtæ Poquelini) Epitaphium.	190.
Moneta ærea Suecica.	58.
Montacutus , mons propè Cadomum.	72. 109.
Montauſerius (Carolus Sanctamauræus) Sereniffimi Delphini institutioni præfectus.	41.
Morus (Alexander) Huetium ægrotantem fovet. 33. Carminibus provocat.	33. 60.
Mycale , mons.	16.

N.

N Affaviæ gentis ſepulcra Delphis viſuntur.

49.

Niburgum , Fioniæ urbs.

54.

Nicopia , urbs.

59.

Niobe.

78.

Niſus venator. 27. Picæ amore captus , & ab ea amatus , 30. 31. Picum expilat , furtive & fugæ

M

INDEX RERUM.

Comitem habet Picam , 32. fit avis Nifus à Mercurio.	32.
Nitrum , falis genus.	43.
Norcopia , urbs.	58.

O.

O Ebalides Hyacinthus.	8.
Olaus Magnus.	58.
Olearius (Adamus.)	53.
Olena , fluvius Cadomensis.	71.
Ostrogothorum vultus , indumenta , & domicilia.	57. 58.
Oithonia , Fionix urbs.	54.

P.

P Almerius Grentomenilius (Jacobus.)	64.
Panis Visigothicus.	57.
Parisiacæ commorationis felicitas.	61.
Patriſius , (Petrus) Poëta Cadomensis.	72.
Pererius (Carolus) de carminibus jam ſcriptis laudatur , & ad ſcribenda rursus alia invitatur.	98.
Phœbus Irin efflictim amat , & ab ea amatur :	8.
Domitor Gigantum , & Pythonis.	9.
Pica Pici filia , 27. furandi perita , 27. Mercurio ſui copiam facit , 29. & deinde Niſo , 30. cujus ope & conſilio Pici patris theſauros ſubripit , & fugæ ſe dat , 31. in Picam avem mutatur.	32.
Picus , dives & avarus , 27. olim Martis comes , 27. Picæ filix amorum non inſcius , 30. in Mercurium alioſque Deos jactat voces impias , 30. 31. in avem cognominem mutatur.	32.
Pitys , nympa à Pane amata.	111.

INDEX RERUM.

Poli mundi.	16. 17.
Polycræne , fons agri Sancaroonii & Bavillæi.	91.
Porci Westphalici.	52.
Præmontius (Jacobus Grandorgæus.)	65.
Pratea , (Maria) virgo erudita.	87.
Prodici Cei fabula.	62.
Pythagoras.	18.

R.

R Angifer , bestia Cervo non valdè absimilis.	59.
Rapinus , (Renatus) è Soc. J.	91.
Roschildia , 55. regum Danorum sepulcris incluta.	55.
Roterodamum.	49.
Ruxelius , poëta Cadomensis.	71.

S.

S Al compagem corporum firmat. 42. Sal saporum causa. 42. Sal fossile. 42. Sal puteale. 42. Sal marinum. 42. Sal Ammoniacum , 43. Sal columnum. 43. Sal solidum. 43. Sale constructæ turres. 43. Sal fixum. 43. Sal volatile. 43. Sal proritat in venerem. 43. Sal terras fecundat. 43. 44. Sal ovibus præbitum , lac auget , & agnos pinguefacit. 44. Sal fugientes columbas revocat. 44. Sale carnes à putredine vindicantur. 44. Pro Sale data porcis anima. 44. Sale vitrum concrescit. 44. Sale vestium fordes & labes eluuntur. 45. Sale glacies & lac coagulatum concrescunt. 45. Sale cautes in litore perfodiuntur. 45. Sal cibi præstat appetentiam. 45. Sal sacris rebus adhibetur. 45. Sal sapientiæ symbolum , 45. salis usu amicorum.

INDEX RERUM.

Fides exploratur.	46.
Fides exploratur. 46. Salis effusa concha, infor-	
tunii prænuntia, 45. à sale Salaria dicta, quod	
fale constarent stipendia. 46. Sal Romanis do-	
nat Ancus Marcius. 46. Sal Fiscum ditat. 46.	
Sal Santonicum. 46. Sal mores commendat,	
46. versibus leporem addit.	46.
Salaces unde dicti.	43.
Salaria unde dicta.	46.
Salinas Romæ instituit Ancus Marcius.	46.
Salmasius (Claudius) Anglos scriptis ulciscitur.	
2. Stoicæ philosophiæ dogmata scriptis tradit,	
2. scribit de militia Romana. 2. Leidæ ab Hue-	
tio invisitur. 49. Huetium febris laborantem fo-	
vet ac reficit. 123. Ejus funus. 119. Epitaphium.	
124. Consecratio.	125.
Sancaronius ager.	91.
Sapo, sale fœtus.	45.
Sarasinus (Franciscus) Poëta Cadomensis.	73.
Savarius (Jacobus Timentus) 65. venationis le-	
ges carmine prodidit.	72.
Schurmannia (Anna) variis artibus celebris ab	
Huetio invisitur Trajecti ad Rhenum.	50.
Seagræus (Johannes Reinaldus) Poeta Cadomen-	
sis.	113.
Seltzius (Ludovicus) nobilis & omnibus virtuti-	
bus ornatus juvenis moritur.	82. 83.
Septem-claustra, 52. illic virgines Deo sacræ.	53.
Sipyli valles.	15.
Sleswicum.	53.
Smalandia.	57.
Smegmata vi salis vestes purgant.	45.
Strada, (Famianus) è Soc. J. stylum Lucretianum	
infelicitè æmulatus est.	34.
Stecicum Iter.	47.
Sulfur colorum causa, 42. ignis pabulum.	42.
Suvolla, urbs.	50.

INDEX RERUM.

T.

T Elga , urbs.	58.
Thea , Auroræ mater.	80.
Thea , herba Serica.	79.
Theano , Pythagoræ conjux.	87.
Theseus , Proserpinæ vinculis exemptus ab Hercule.	83.
Thomas à Kempis.	50.
Tmoli antra.	15.
Tycho Brahæus , Astronomus insignis.	55.
Tymphaïcum gypsum.	45.
Typographia Harlemi inventa.	50.

V.

V Alquelinus Fraxineus , (Johannes) Nicolai pater , poëta Cadomensis.	72.
Valquelinus Yvetellus , (Nicolaus) Johannis filius , poëta Cadomensis.	72.
Valquelinus Yvetellus (Hercules.)	88.
Valclinius. <i>Vid.</i> Valquelinus.	
Udo , fluvius Cadomensis. 71. Alnetum præterfluens.	129. 113.
Venus mari orta.	43.
Veria , portus Zelandiæ.	49.
Vestphalorum mores , si. regionis natura.	51.
Vetterus lacus.	57.
Vicmannius , Medicus.	65.
Visigothorum potus & dapes.	77.
Vitis nympa in arborem conversa.	7.
Vitrum sale concrefcit.	44.
Ulmus pastor Vitem amat , 4. cum eam à Bacchi amore abduxiffet , mutatus eft in arborem.	7.

INDEX RERUM.

Volandi ars.	19.
Vossius (Isaacus) Huetium Amstelodami excipit, 50. iter Suecicum una cum eo aggreditur. 40. Helmæstadiæ cogitur ab itinere suscepto desi- stere, & Amstelodamum reverti. 57.	
Ursa major, sive Helice, Græcorum naves re- git. 17.	
Ursa minor, sive Cynosura, Tyrriorum naves re- git. 17.	

Z.

Z elandia, Daniæ insula. 54.	
Zodiaci gradus. 16.	

ERRATA.

Pag. 82. lin. 9. *vedviov*, lege, *veaviv*.
Pag. 106. lin. 19. *posteris*, lege, *seculis*.

E Typographia JACOBI COLLOMBAT. 1709.

I X.

AD CHISTUM VICTOREM.

Quis opacam novus horror tenet æthrâ?
Quid Eoâ refugus Sol latet umbra?
Et amicam trepidanti negat orbi dare lucem?

Deus, eheu, Deus alta trabe pendes:
Venerandum rubus asper caput ambit:
Tibi circum laniatos rigat ater cruor artus.

Fera cernens patientem mala natum,
Oculos in mediâ morte natantes,
Veteres corde remittit miseratus Pater iras.

Tibi nigræ patuerunt loca Lethes.
Tenebrosus venientem tremuit Orcus:
Ita mundi domitorem moriendo domuisti.

Nova lux en redivivi micat ore.
Super alas Aquilonum gradienti
Tibi plaudit, tibi cantat Superiorum chorus omnis.

Perituræ reparator bone gentis,
Patefac exulibus limen Olympi.
Patriam nos repetentes tua cœlo vehat auras.

X.

A D D I V A M
G E N O V E F A M.

P Rodeas summo , GENOVEFA , cœlo ,
Auream stellis radiata frontem ,

Et Parisinos propius revise

Candida colles.

Si tuum supplex , redeunte Jano ,
Limen angustis tetit usque portis ,

Et coronatas pia turba mensis

Ponit acerras.

Si tua Flamen trabeatus æde
Exiens nudo pede saxa pressit ,

Cum triumphali spariata pompâ

Compita lustras ;

Dumque devoto decus ore Mystes
Namptodorensis celebrat puellæ ,

Prona sub sacro posuere cives

Colla feretro :

Hæc tibi nunc sint pia facta curæ :

Nunc vicem votis memorem referre

Tempus , & torvâ decorare vinctos

Casside crines.

LAMPYRIS.

ECLOGA.

QUæ nova per cæcas splendet flammula
noctes

Sepibus in nostris? an ab æthere lapsa sereno
Astra cadunt? tacitis an captant frigora sylvis,
Si quando ardentis ceperunt tædia cæli?
Non ita, sed duris heu frustra exercita matris
Imperiis, sentes lustrat Lampyris opacos,
Si forte amissum possit reperire monile.

Namque per Eutotæ ripas, saltusque Lycæi,
Dum Diana leves agitat de more choreas,
Aut erumpentes fruticetis excipit apros,
Nympha puellares inter lectissima cœtus,
Lampyris, Divam propius sectatur euntem;
Arcum humeris habilem gestans, pictamque pha-
retram.

Subtilis flavos cohibebat mitra capillos;
Aurea virgineum velabat fascia pectus,
Adstrinxere leves argentea tegmina furas.

Festa aderat tum forte dies, qua vertice Cynthi

* M

Latonæ quondam ex utero, natalibus horis,
In lucem exierant, Diana, & pulcher Apollo.
Lætior hinc solito celebres Dea protinus omnem
Arcadiam vocat ad ludos, sylvestria circum
Numina, ruricolas Faunos, Dryadasque sorores.
Nec mora Parthenios saltus, frondosaque celsæ
Cyllenes nemora, & nigri pineta Lycæi
Deseruere Dei: reliquos Pan ocyor anteit,
Ora coloratus minio fucata rubenti.

Hic ubi Mænaliis veniunt de montibus umbræ,
Floridus Alphei prætexit flumina campus,
Pastorum assiduis solitus resonare cicutis.
Capripedum visa est Satyrorum hæc lusibus apta
Area: pars teretes digitos, & molle labellum
Admouet, ut biforem det eburnea tibia cantum,
Pars dulces ciet ore modos, & voce canora
Dianam celebrat: siluere ad carmina venti,
Quo cantu excitæ fluvii de sedibus imis
Naiades emergunt, gressumque per uda ferentes
Gramina, florenti properant se adjungere turbæ,
At parte ex alia graciles venere Napeæ,
Fronde caput vinctæ, & viridi vestigia socco:
Venit Hamadryadum collectis turba capillis,
Nuda genu, leuesque humeros, & lactea colla:

Quas inter roseo prodit spectabilis ore
Candida Lampyris, qualis post lumina solis
Nocturnos inter cælo micat Hesperus ignes.
Namque decus formæ, frontisque nitentis ho-
norem
Aureus incendit pendens in pectora torquis,
Baccatus gemmis, & multa nobilis arte;
Rarum opus, igniferis procusum incudibus Ætnæ,
Vulcani manibus, Veneris mirabile donum,
Cum natam Hermionen Cadmo felicibus olim
Traderet auspiciis: quo munere dein Eriphyle
Capta, viri exitium Polynici est ausa pacisci.
Postera fatalis demum per secula torquis,
Perque vices varias, Superum sic iusta ferebant;
Arcadicam longo post tempore venit ad Æglen;
Æglen, quæ quondam Silenæ juncta marito,
Egregiam fausto genuit Lampyrida partu.
Hanc reliquis optat mater præcellere forma
Virginibus, cultusque novos studiosa puellæ
Comparat. It splendens per collum ductilis aurum
Circulus, & summis illudit gemma papillis.
Prodi, ait, in medium, & divinis utere donis.
Tu modo, nata, cave, ne quis tibi præmia Divum
Auferat, & sacro redeas fraudata monili.

Mox inter socias sic exornata puellas
Tendit in herbosum virgo pulcherrima campum;
Et Satyrorum oculos in se convertit & ora.
Post ubi submovit populum, spatioque patente
Cynthia commissos indixit ab aggere ludos,
Tum præit arguto sylvestris fistula cantu.
Personat omne nemus circum, vallesque pro-
fundæ.

Emicat extemplo Satyrorum læta juvenus
In saltum, Dryadasque petit, facilesque Napæas:
Implicuere manus manibus, motusque dedere
Non incompósitos, agiles in cespite plantæ
Exiliunt, crispumque latus vibratur ab arte,
Et simul ad crotalum digiti crepuere loquaces:
Hinc Pan sutilibus protectus tempora fertis
Ingreditur, prensamque manu Lampyrída pernix
Ductitat in numerum: pedibus nec segnior illa
Fertur in adversum, sinuososque implicat orbes:
Et modo cedentem conversa fronte laceffit;
Nunc trepidæ similis vertit vestigia retro,
Atque fugam simulat; fugienti hic fervidus instat;
Instantem fallunt festivæ virginis artes.
Gratia saltanti nec abest. Dat Delia plausus,
Dant circumstantes Satyri, vulgique coronæ.

At non hæc animis Dryadum chorus aspicit
æquis.

Arcanus gliscit sensim sub pectora livor,
Sollicitasque angit prælatæ gloria formæ.

Interea levibus Lampyris fessâ choreis
secessum petit, æstivum quo frangere Solem;
Lassosque in mollem queat artus solvere somnum.
Sed licet obscuro sylvarum tectâ recessu,
Haud Dryadum fugit insidias: videre sub umbra
Laxantem placida languentia membra quiete.
Clam subeunt, furtumque parant, ausuque ne-
fando

Pectora gemmato spoliant candentia torque.
Utque hæc admoto deterfit pollice somnum,
Et se materno viduatam munere sensit,
Profilit impatiens, & amaro concita luctu
Dat gemitum, mœstisque implet plangoribus
auras.

Quid faceret? quos vana Deos in vota vocaret?
Tristis adit matrem, dejecto pallida vultu,
Indecores referens habitus, inhonoraque colla:
Divite quam cinctu mater, cultuque decoro
Nudatam aspiciens, cæco succensa furore,
Tûne oculis audes, inquit, te sistere nostris

Muneribus vacuum Cythereæ, & torque carentem,
Torque, manet quo certa domus fiducia nostræ?
Illa dabat contra lacrymas, & multa parabat
Dicere, sed nullo mater sævissima fletu
Tangitur, aut voces tractabilis accipit ullas.
Ocyus ito, inquit vultu imperiosa minaci;
Torquem, divini pignus fatale favoris
Aut refer, aut nostris nusquam te obtutibus offer:
Paruit illa tremens; utque atræ tempora noctis
Instabant, timida fulgentem lampada dextra
Prætulit in sylvas: tenebras fax splendida vicit.
Per longas noctes, spatia & per longa dierum,
Hirsutos inter dumos, virgultaque densa
Passibus it lentis, & devia tesqua peragrans,
Vestigat raptum necquicquam attenta monile.
Livida Hamadryadum speculatur ab ilice turba
Errantem procul, & curas deridet inanes,
Nequitiaque suæ fructum, furtique reportat.
Sed vanum tandem Nymphæ miserata laborem,
Insontem tristi statuit subducere pœnæ
Cynthia: scæmineos vultus, priscamque figuram
Detrahit, atque nova donat Lampyrinda forma.
Cogit in angustum contractos virginis artus,
Atque affigit humo; tardatur gressus eunti;

Muta filet, loca sola petit, sylvasque pererrat.
 Haud tamen exili memores de pectore sensus,
 Sæva nec iratæ cesserunt jussa parentis;
 Per nemorum latebras tota dum quærere pergit
 Nocte, laboratum digitis cœlestibus aurum,
 Nigrantes clara collustrans lampade saltus.

FINIS.





GALERITA.

ECLOGA.

DEcute surgentes ventoso vertice cristas,
 Et vanos cohibe, Virgo temeraria, fastus:
 Pauperis in tuguri latebras, & rustica tecta
 Regredere, & patrios ne dedignare penates.
 Ni facias, vindex aderit sævissima Pallas,
 Illa tuæ Pallas columen, tutelaque gentis.

Quæ postquam prægnante Jovis galeata cerebro
 Prodiit, atque lacu Tritonidis adstitit undæ,
 Et prima in Libycis posuit vestigia terris,
 Inde leves arvis circumfert undique gressus,
 Et nova inassuetis spectacula præbet ocellis.
 Nunc sylvas, nunc prata juvat decurrere, & altis
 Verticibus tractus longe lustrare jacentes.

Verum ubi jam serus campis decedere Vesper
 Admonet, & dulces suadet nox languida somnos,
 Dumque sibi hospitium latis Dea prospicit agris,
 Stramineo vidit salientem culmine fumum,
 Frondentes inter, procera cacumina, laurus,
 Atque satas florente lacus in margine myrtos.
 Illuc nata Jovis fertur, foribusque reclusis

Submisso ingreditur depressum vertice limen:
 Divam agnovit anus, quam circum rustica pubes
 Natarum paleis porrecta sedebat in hornis,
 Arguto teretem versantes pollice fusum.
 Agnovit, manibusque colus & pensa remittens
 Exilit, & Divam veneratur supplice cultu.
 En ego, ait Pallas, de summo en advena cœlo
 Per noctem vestris succedo sedibus hospes,
 Hic tectum requiemque petens. Paupercula contra
 Sic anus: O nostris quantum hæc nox prospera
 rebus!

Quæ dedit augustos reginæ cernere vultus:
 Eia agite, ô teneræ, carissima turba, puellæ,
 Certate officiis, solum ponatur acernum
 Ædibus in mediis; sternatur mollibus ulvis
 Lectus, & in pedibus statuatur mensa columnis;
 Huc oleæ pingues, plenis huc mala canistris:
 Huc & caseoli, quos vimine fiscina pressit:
 Plenaque jucunda relinatur seria vappa;
 Et scyphus ante dapes in mensa faginus extetur
 Passim parva novos inspergat filia flores.
 At tu præcipue, natarum maxima, Diva
 Assiduis adsta studiis, ac nitere porro,
 Quas annis superas, curis superare sorores;
 Sic ait: extemplo matris præcepta facessis

Turba puellarum. Sedes annosa locatur
In medio: juxta recubans studiosa juvenus
Fessa Deæ mulcet tepida vestigia lymphæ.
Ipsa gradu tremulo mensam succincta salignam
Ponit anus: densis profert mantilia villis.
Addit & agrestes ilignis lancibus escas,
Nuper & inculta decerptos arbore fructus.
Mox & fronde super viridi, florumque manipulis,
Sternitur archaicum crassa lodice cubile.
Verum inter focias natu quæ prima, Minervæ
Colligit exutas noctis per tempora vestes;
Ægida nondum atros gestantē umbone colubros,
Splendentemque auro galeam, cristisque decoram,
Et præpilatam fulgenti cuspide myrtum.
Dumque jacet placido Pallas devincta sopore;
Hæc pravis inhians animis, per singula versat
Liventes oculos, nec non se vestibus optat
Talibus incingi: placuere in casside cristæ:
Se modo, si liceat, cœlestibus induat armis,
Peronem roseo cupiat mutare cothurno,
Sutæque plantarum contorta cannabe vincla.
Hirsuto gestare rudes subtemine telas
Est pudor, & tritis humeros amicare lacernis.
Me miseram, dixit, cur his in sordibus ævum
Fœda situ carpo, & squalentibus obsita pannis

Cur his me Superi voluere parentibus ortam?

Obscuramne diu producam ingloria vitam?

Haud simus tamen indecores radiantibus armis;

Non caput hoc cassis, dextram hanc non de-
decer hasta,

Nostra nec auratus male pectora proteget umbo;

Hæc animo secum virgo malesana volutat,

Divæ sortem æquans animis, & turgida fastus;

Interea redit orta dies, somnoque solutam

Pallada frondosos lux alma revifere colles

Invitat, riguasque lacus decurrere ripas.

Illa recompositas formoso in corpore vestes

Aptat, & angustis digressa mapalibus exit

Protinus in campos, & prata virentia musco:

Dumque vagis passim per apertum cursibus errat,

Hinc atque inde choros niveæ duxere puellæ.

Vibrantes nunc molle latus, nunc candida sursum

Brachia jactantes, & cantus ore dedere.

At reliquas inter primæva puella sorores

Talibus augustam demens coluisse Minervam

Negligit officiis, animum sed inanibus usque

Fallere amat votis, & pectus pascere vento.

Ergo hastam præferre manu, clypeumque nitentem

Palladis, & sacro mavult splendescere cultu.

Ventum erat ad vitream sinuosi fluminis undam;

Divæ rudes inter tenerum latus explicat herbas,
Et variarum oculos oblectat imagine rerum.
Hinc tremula capti ducuntur arundine pisces,
Et textæ lento tenduntur vimine nassæ.
Illinc pellito niveus pede remigat anser;
Raucaque clamoso pluviam dum provocat ore,
Lavit anas caput, & rores cervice recepit.
Cernere & ipsa suos vultus Jove nata quietis
Gaudet aquis, & visa suo est lætata decore.
Jamque dies medio cœli fervebat in axe,
Et face Phœbea candebat fervidus ær.
Impatiens æstus corpus Dea flumine gestit
Mersare, & grato solari frigore membra.
Candentes confestim artus nudare puellis
Cura fuit. Piætis spoliarunt crura cothurnis:
Arma ex umbrifera suspendunt aurea quercu,
Atque super lentas tunicam expandere genistas.
Pallada frigidula venientem amplectitur unda,
Sudore & madidam recreat Tritonius amnis.
Invergant latices auratis Naiades urnis.
Dumque ibi rorantes fluvio Dea perluit artus,
Ecce puella procax, cæcæque cupidine ducta,
Depositos Divæ sibi circumcingit amictus,
Et patula quercu pendentia detrahit arma,
Cassidaque undantem pennis accommodat alto

Mentis inops capiti, & sacra tegit Ægide pectus.
Talibus ornata exuviis, hoc culta paratu
Progreditur, seseque illam vult impia credi
Quam simulat. Pernix deserto rure colonus
Advolat, attonitæ concurrunt undique mares,
Illa venit, seseque ultro mirantibus infert.
At Dea de mediis fulgorem conspicit undis
Nutantis galeæ, clypeique insigne corusci.
Ilicet ingenti correpta efferbuit ira,
Ut sacras vili sedisse in corpore vestes
Novit, & æthereis fabricata incudibus arma
Contactu indignans vidit polluta profano.
Cumque puella levi sublimia mente petisset,
Divinosque sibi Superûm tribuisset honores,
Fecit avem Pallas, summum superare volatu
Aëra, & astringere posset quæ scandere sedes.
Utque palam extaret sceleris certissimus index,
Vertice pennatum jussit gestare galerum,
Atque Galeritam gens postera nomine dixit.

F I N I S.

SALAMANDRA.

ECLOGA.

AD EMINENTISSIMUM
CARDINALEM

CÆSAREM ESTRÆUM.

SI priscos animis Erato tibi fuscitat æstus;
 Quales, cum patriis meditantî carmina ripis
 Suspensos tenuit quondam levis Axona fluctus;
 Huc ades, ô animæ, CÆSAR, pars maxima
 nostræ;

Cui tua me longo vitæ usu cognita virtus
 Irrupto primis nexu devinxit ab annis.
 Te vocat in riguas mecum Trinacria valles,
 Atque suis te poseit opem Salamandra querelis.
 Romano quamvis incedas splendidus ostro,
 Splendidior meritis, nostras tamen aure benignas
 Pegasidum si quis superest honor, excipe cantus.
 Non erit hæc certe tibi laus postrema, tuisque
 Laudibus accrescet, Pindi de vertice lecta
 Si tua Phæbeâ cingatur purpura lauro.

Nata Jovis quondam Siculis Proserpina campis

Cum meteret vernos arguto pollice flores;
Lilia, fragrantisque rosas, suavesque hyacinthos;
Nectebat faciles solers Salamandra corollas,
Sertaque flavescentes Divæ vinctura capillos.
Adstabant sociæ, lectissima turba, Napæ;
Fingere docta comam, & cultu decus addere formæ:
Cum subito insolitis quassatur motibus Henna,
Sub pedibus mugit tellus, labefacta dehiscunt
Claustra Erycis, procul horrendis incanduit Ætna
Ignibus, atque imo patuit Cocytus Averno.
Continuo Stygiis in lucem emissus ab antris
Profilit obscura squallens ferrugine currus;
Quem regit infernæ Saturnius arbiter aulae:
Territa ferali trepidat Proserpina visu,
Ditem horret, celerique Hennæ petiisse laborat
Mænia tuta fugâ: currentem hic ocyor anteit,
Nigraque veloci prævertitur orbita lapsu.
Nec mora Lethæus pavitanti brachia raptor
Injicit, & validis in currum sustulit ulnis
Multa reluctantem, & superos in vota vocantem;
Optatamque infert prædam pallentibus umbris.
At parte ex alia deserta per avia passim
Diffugiunt Nymphæ comites, & qua sua quamque
Fors tulit, his Ditem properat vitare latebris.
Has Salamandra inter, casu externata nefando;

Prata levi cursu rorantia deserit Henna,
 Ætnæisque metu pallens se condidit antris.
 Hic niger alterno jactabat brachia nisu,
 Fervida suppositis tundens incudibus æra
 Mulciber, & lentis properabat fulmina massis.
 Quem simul aspexit virgo fugitiva per umbram,
 Agnovitque Deum, Per ego, inquit, sidera supplex
 Te rogo, si qua movet pietas cælestia corda,
 Tartareas fraudes, dirosque ulciscere raptus.
 En Jove nata perit, feralibus acta quadrigis,
 Ni properas, missique tua Cyclopes ab Ætna
 Vim vi contineant, prædamque ex hoste receptent.
 Hæc jactat lacrymans: Vulcanus talia contra
 Ore refert, Non hæc temere, ô suavissima virgo,
 Eveniunt; his astra favent, his Jupiter auctor,
 Et fratri natam facilis concedit amanti.
 Indomito posuisse modum quis possit amor?
 Ipse quoque has inter cautes, & inhospita saxa
 Inter stricturas chalibum, ferrique metalla,
 Ipse ego quid sit amor non ficto pectore sensi:
 Ignibus incensum Siculis domat acrior ignis.
 Namque, fatebor enim, simul his te prospera terris
 Fata tulere, atque hos licuit cognoscere vultus,
 Hos oculos, queis nostra Venus concesserit ultra
 In me saxa ferus depromis tela Cupido.

O utinam hic paribus tangat tua corda sagittis;
Arque tuum pateat penetrabile pectus amor!
Sic ait, & Nymphæ manibus Deus apprimit ora,
Addit delicias, animumque moventia verba,
Incautam possit si prolectare puellam.
Nunc roseos laudat digitos, nunc lactea colla,
Undantesque humeris flavo de vertice crines.
Nec suus in mentem venit fuligine vultus
Decolor, assiduoque rubentia lumina fumo,
Atque inæquali vestigia turpia gressu,
Atque obsessa situ deformi livida membra.
Ilicet ingenuo suffusa rubore puella
Æstuat, & limis dicentem aversa tuetur
Luminibus: tacito sed tandem victa timore
Respectare fugam, tutosque parare receptus
Aggreditur, si qua forsan detur exitus illi.
Sed clausam cœco retinet Vulcanus in antro,
Nec potis est vastis se proripuisse cavernis.
Cui simul ac Deus invisum se sensit, amoris
Accensus furiis, has profert pectore voces:
Méne igitur, vano formæ confisa decori,
Méne tuo dignum contemptu rere, puella?
Ille ego, vera Jovis soboles, quem regia Juno
Legitimo partu cælestibus edidit oris.
Per me certifici, si nescis, nubibus ignes

Exiliunt, per me altus habet sua Juppiter arma.
Atque hic ipse meæ te Juppiter appulit Ætnæ,
Ut mea præda fores. Cessit Proserpina Diti,
Tu mihi: nunc Ætnæ dotalia regna capeffe:
Conjugio nati haud aberit Dea pronuba Juno.
Talia dicta dabat, jam tum pertæsus inanes
Perdere blanditias, neglectaque fundere verba.
Vim parat impatiens: ast hæc animosa repugnat,
Non vano gemitu aut lacrymis, sed vindice dextra
Suggillans oculos, & foedans unguibus ora,
Ulta pudicitiam: qua rapta, tum quoque vitam
Esse sibi raptam velit, extinguique sepulcro.
Ergo dolens ignominiam, læsique pudoris
Dedecus, & turpi temeratum crimine corpus,
Multa gemit, totique facit convitia cælo.
Concava flebilibus resonant plangoribus antra.
Ille quidem crudum dictis sedare furorem,
Et mœstis adhibere velit solatia curis.
Irrita verba cadunt, Nymphæ dolor obstruit aures:
Præcipitant ægram raptus pudor, ira que mentem,
Et parat invisam confestim abrumpere vitam,
Ætnæo patulæ panduntur vertice fauces,
Sulfuræ sursum sinuosa volumina flammæ,
Torridaque ignitas jactantes saxa sub auras.
Crateras prisco dixerunt nomine Graiis

Nympha furens animis, lucemque exosa citato
Summa petit cursu montis juga, pronaque saltu
Præcipiti rapidos sese dejecit in ignes.
Mulciber obscuro casum speculatus ab antro,
Tristiaque insontis miseratus fata puellæ,
Non tulit ante diem crudeli occumbere leto.
Maluit in teretem producere membra lacertum,
Atque coloratis aspergere tergora guttis.
Quin ignes superare dedit, prunasque rubentes
Proterere, atque acres calcare impune favillas,
Et solita ex ipsis alimenta capeffere flammis.
Sic sua Vulcanus Salamandram in jura recepit.

F I N I S.

Handwritten text in a cursive script, likely a letter or a page from a manuscript. The text is arranged in approximately 12 lines, though many characters are illegible due to fading and the age of the document. The ink is dark, and the paper is a light, aged tan color.

Handwritten text, possibly a signature or a date, located in the center of the page. It appears to be a single line of text, possibly starting with a capital letter.



Huet, Pierre Daniel,

Carmina

Parisiis 1709

P.o.lat. 728 m

urn:nbn:de:bvb:12-bsb10608963-9